

AMAHEBHERU,

ISAHLUKO SESITHUPHA ²

 . . . ukutaditsha iLizwi Lakhe eliligugu.

Ngingenile, isikhatshana esedluleyo, futhi bengithwele amaBhayibhili amabili. Futhi ngibe lengoxoiswano encinyane lekhosikazi emuva lapha, futhi ngamtshela ukuthi nxa ngingatshumayela ngawo womabili, ngingaba lesifundo esihle sibili. Kodwa lesi yisichazamazwi sesiGriki, ngakho enye into nje engifuna ukuyibala kuleyi, lobubusuku. Kuyi—kuyi... kuyikutolikela kwebala ngebala, kusuka kusiGriki sekuqaleni, kusiya kuSilungu. Futhi ibe lusizo olunengi kimi ngokuya kwesikhathi. Futhi ngifuna ukubala nje enye into kiyo, ngoba manje sitaditscha kuleliBhuku lamaHabheru, futhi sesisiza manje nje kumitsho ejulileyo sibili.

²¹⁹ Futhi ngitshele uMfowethu Neville, imizuzu emilutshwana edluleyo, “Singena kungxene lapho abantu abanwaya amakhanda abo futhi bathi, ‘Angikukholwa lokho.’” Bona? Yiwo umfanekiso esingena kuwo. Yikho lapho esikuthanda khona.

²²⁰ Omunye umtshumayeli wathi kimi, wathi, “Awu, ngithemba kuzakuba lokunwaya amakhanda okunengi.”

²²¹ Ngathi, “Yikho lokho esifuna ukukwenza.” Bona?

²²² IBhayibhili lingaba lomutsho owodwa kuphela. Alingeke libe lemitsho embili. Futhi nxa ingxene eyodwa yeBhayibhili isitsho into, futhi enye ingxene yeBhayibhili itsho okunye, khona-ke enye into kayilunganga. Bona? Kumele litsho into, indlela yonke kusiya. Kodwa, khumbulani, ekutaditsheni iBhayibhili, “Kufihliwe emehlwani abahlakaniphileyo labaqedisisisayo, futhi kwanjulwa ezinganeni,” ngoba kungokweBhuku likamoya.

²²³ Futhi akusilo bhuku lasentshonalanga. LiBhuku lasempumalanga. Futhi kulento eyodwa engaLichasisa, futhi lowo nguMoya oNgcwele. Ngiyazi ukuthi omunye lomunye wethu ufunu ukutsho, ukuthi, “UMoya oNgcwele uyasitshela lokho esikukholwayo Kilo.” Awu, manje, nxa wonke uMbhalo uhambelana khona kanye ngokufanayo, khona-ke lowo nguMoya oNgcwele. Nxa kungahambelani, futhi ulomkhandlo *lapha*, futhi umkhandlo *laphana*, khona-ke kulenye into engalunganga ngokholo lwethu. Futhi, o, KuliBhuku elimangalisayo.

²²⁴ Manje, ngifuna ukuthi lenze lokhu lapho sitaditsha. Manje, kufanele sisuke masinya ekuseni siye eWyoming, iNkosi ithanda.

Lisikhulekele.

Futhi liviki elandelayo, uMfowethu Graham Snelling, lapha...Ukhona. Ngimuzwe, imizuzu nje emilutshwana edluleyo, esenza isimemezelo sakhe. Futhi lelibandla lilokusebenzelana okugceleyo lemvyuselelo yakhe. Futhi siyakhuleka kuNkulunkulu, ukuba amnike ngokwedlulisileyo, ngokwengeziweyo, imvuselelo enkulu. UMfowethu Graham wabambela uMfowethu imvuselelo...phezulu lapha eCharlestown, uMfowethu Junior Cash, futhi kwakulabaphendukayo abalikhulu, ngiyakholwa. [Umzalwane uthi, "Amatshumi ayisificaminwembili lane."—Mhl.] Amatshumi ayisificaminwembili lane abaphendukayo. Ngakho, kulokho, siphya uNkulunkulu udumo. Futhi siyathemba ukuthi kuzakuba lamakhulu amahlanu lamatshumi ayisificaminwembili lane phezulu lapha, kulindawo lapha.

²²⁵ UMfowethu Graham uhlangane lami lamuhla, futhi wathi, "Manje, Mfowethu Bill, ngileqiniso ukuthi uyazwisisa ukuthi angikho lapha ukugalisa omunye umsebenzi ophikisana lowethabhanekeli, ngoba ngiyingxenye yethabhanekeli." Ulapha nje uku...Uzwa enhliziyweni yakhe ukuthi ufuna ukubamba imvuselelo, futhi iNkosi imkhokhelela ukuthi akwenze. Futhi—futhi uyanxusa abaphendukayo, futhi ulebandla, ukubathulula khona phansi, "Nanti ibandla lekhaya, nxa ungangena phakathi, uyaguqulwa."

²²⁶ Futhi kungumlandu wethu, njengamaKhristu, ukumsekela ngakho konke esingakwenelisa. Futhi iNkosi ibusise uMfowethu Graham. Futhi lina, lonke, liyanxuswa ngenhliziyi enhle emhlanganweni kaMfowethu Graham phezulu lapha, ngemvumo egeweleyo evela kulelibandla, ngokusebenzelana okugceleyo ukumncedisa ngaloba yiphi indlela esenelisa ngayo, okwemiphefumulo elahlekileyo langombuso kaNkulunkulu.

²²⁷ INkosi ikubusise, Mfowethu Graham, ikunike imihlangano emikhulu. Akakwazi ukuthi uzakuvala nini. Uyaqalisa nje. Futhi-ke, uMfowethu Graham wayelakho njengami, *izikhathi ezinhle ezinengi lezikhathi ezimbi*. Yiyo indlela impilo ehamba ngayo. Kukwenza uthakazelele izikhathi ezinhle emva usedlule ezikhathini ezimbi. Nxa umuntu angawa futhi alale khonapho, uligwala. Ngilethemba lapho umuntu evuka futhi azame njalo. Kunjalo. Ngileqiniso ukuthi ungachasisa lokho engikutshoyo. Manje, lingakukhohlwa, liviki elandelayo.

²²⁸ Manje, kuleliBhuku lamaHebheru, asiyikuthatha isisekelo lobubusuku.

²²⁹ Manje, iSonto elandelayo, iNkosi ithanda, uMfowethu Neville uzamemezelala. UMfowethu Cox lapha, kumbe abanye babo, bazalazisa, nxa singena ngesikhathi somhlangano weSonto olandelayo. Uzakumemezelala emsakazweni. Futhi thina

si...Lonke lilalele umsakazo wakhe manje, futhi—futhi—futhi linxuse bonke omakhelwane benu ukuthi balalele. Ngithola intokozo sibili yokulalela intshumayelo yabo lokuhlabela, abahlabela bebane bakoNeville. Angikutsho lokho ngoba uhlezi lapha. Nxa ngikutsho lokho, futhi ngingakutshongo enhliziyweni yami, ngizakuba ngumzenzisi. Kunjalo. Kuyamele ngiphenduke. Kodwa ngiyakutsho. Futhi kungangcono ngimuphe iluba manje elincinyane kulelixha eligcweleyo emva kokuba esehambile.

²³⁰ Ngesinye isikhathi ngangiphuma emnyango lapho, futhi kwakulekhosikazi elabuyayo, futhi lathi, “Mfowethu Branham, o, ngiwukholise kanjani lowo mbiko!”

²³¹ Ngathi, “Ngiyabonga.” Kwangenza ngizwe kahle.

²³² Omunye wabuya lapho, wathi, “Mfowethu Branham, ngakholisa lowo mbiko.”

²³³ Ngathi, “Ngiyabonga.”

²³⁴ Kwakulomtshumayeli omncinyane lapho, ovela phezulu lapha kungxene yeanyakatho yelizwe, esizweni, wathi, “Busisa uNkulunkulu, kangifuni abantu ukuthi bazigqaje ngami njengalokho.”

²³⁵ Ngathi, “Ngiyakufuna.” Futhi ngathi, “Kulomehluko nje owodwa phakathi kwami lawe. Ngiqinisekile ngakho.” Kunjalo. Sonke siyathanda ukuzwa amazwi amahle ekhulunywa ngathi. Futhi ngi—ngicabanga ukuthi kuhle ukukhulumam amazwi amahle ngakho. Futhi nxa ufuna omunye umuntu akhulume amazwi amahle ngawe, khulumam amazwi amahle ngomunye umuntu. Yiyo indlela yokwenza lokho, khona-ke ungahlala ukhulumam izinto ezinhle kakhulu ngomuntu wonke. Futhi lokho kwenza ivili libhode ngcono.

²³⁶ Manje, kulokhu, iSonto elilandelayo, iNkosi ithanda, ngokubona kwami, sithole, singena nje ekujuleni lokujula kulezi imfihlakalo ezinkulu zikaNkulunkulu. Siyangena kuMelkhizedeki: Ukuthi WayeNgubani, lapho Avela khona, lapho Ahamba khona, lokho okwenzakala Kuye, lakho konke mayelana ngoMelikhizedeki.

²³⁷ Futhi manje, ngobusuku bangoLwesithathu obedluleyo, uMfowethu Neville watshaya phezu kwesahluko sokuqedisa sobuNkulunkulu obukhulu lobupristi beNkosi yethu uJesu, obuqualisa ekuqaliseni, “UNkulunkulu, ngezikathhi zasendulo langezindlela ezinengi wakhulumam kubobaba ngabaprofethi, kulolusuku lokucina ukhulume kithi ngeNdodana Yakhe, uKhristu Jesu.”

²³⁸ Khona-ke uyaqhubeaka, futhi aqale ukukhulumam futhi afananise ukuthi Waye Ngubani, uyaMletha kusehla kusahluko 5, ekucineni kwesahluko 5.

²³⁹ Khona-ke siqala kusahluko 6, sithole lokhu esifundweni sethu lokhu kusa.

Ngakho-ke sitshiya izimfundiso zokuqala zemfundiso kaKhristu, kasiqhubekele ekupheleleni; . . .

²⁴⁰ Bangaki abakholise umbiko ngokuphelela? [Ibandla lithi, “Ameni.”—Mhl.] “Kasiqhubekele kokupheleleyo.” Lowo bekungumbiko wethu, lokhu kusa, kusahluko 6 samaHebheru.

²⁴¹ Manje sesingena nje endaweni lapho esiqalisa ukuthola i—ingxene eqotho. O, sonke singavumelana phezu kwalezizinto: phezu kobuNkulunkulu bukaKhristu; futhi EyiNdodana kaNkulunkulu; lokuthi WayeloNkulunkulu kanjani, loNkulunkulu wayeLaye; futhi WayekuNkulunkulu, futhi uNkulunkulu Ekuye, lokunjalo. Sonke siyavumelana phezu kwalokho. Kodwa, manje, kusukela lapha kusiya, kangikwazi ukuthi sizavumelana kanjani. Ngakho loba yini okuyikho, ubusuku bonke obulutshwana, sizalinika ithuba lokungibhalela inothi encinyane futhi lingitshela elikucabangayo ngakho.

²⁴² Khona-ke kuzamele ngiphendule imibuzo. Futhi nxo ngingeke ngiyithole, ngizakuthi, “Mfowethu Neville, kuyini okucabangayo ngalokho?” Ngizakuthi, “Nango lapho. Yeka awuphendule.” [UMfowethu Neville uthi, “Yikho lapho engizabala khona isiGriki.”—Mhl.] Khona-ke kulapho azabala isichazamazwi, aphumise isiGriki. Ngicabanga sokuyisikhathi sokuthi ngikwenze, lami.

²⁴³ Kodwa, manje, nxo singehla futhi sibe ngabaqinisekileyo sibili, futhi sibyele injongo eyodwa sibili, lokho, yikufunda. Ngifuna ukufunda, lami. Futhi iBhayibhili libhalawi, lathi, “Ku . . . IMibhalo kayisiyo yengcazole yangesitha.” Lokho kutsho uMbhalo kufanele uchasisce uMbhalo. Bona? UMbhalo ngamunye kumele uchasisce omunye, indlela yonke eBhayibhilini, ukukwenza kube yinto eyodwa enkulu. Ngoba, uNkulunkulu angeke aguquke, ngoba UnguNkulunkulu ongaguqukiyo.

²⁴⁴ Manje, “Sitshiya . . .”

Ngakho-ke sitshiya izimfundiso zokuqala zemfundiso kaKhristu, kasiqhubekele ekupheleleni; . . .

²⁴⁵ Ngiyamthanda uPhawuli ekhuluma lezo zinto. UPhawuli wayengasomuntu owayethanda ukuhlala isikhathi eside kakhulu endaweni eyodwa. Wayethanda ukuqhubekela phambili ehamba, ngokujulileyo. Ngesinye isikhathi, eMbhalweni, wathi, “Mina, ngikhohlwa lezo zinto ezedlulayo, Ngilwisa ukuthi ngiyefinyelela ekucineni ukuba ngithole umvuzo wobizo lwaphezelu.” Bona? Uyaqhubeka elwisa esiyaphambili.

²⁴⁶ Lapha wathi:

Manje sikhohlwa *izimfundiso zokuqala zemfundiso kaKhristu* (Ukuthi WayenguBani, lokho Ayeyikho), kasiqhubekele *ekupheleleni*; . . .

²⁴⁷ Manje thina, okokuqala, besifuna ukufumana, “Singa phelela na?” Futhi safumana, eMibhalweni lokhu kusa, uMathewu 5:28, ukuthi uJesu watsho ukuthi thina “sasifanele siphelele njengalokho uNkulunkulu ayeyikho,” kungenjalo singeke singene.

²⁴⁸ Khona-ke safumana ukuthi sa, wonke umuntu, “sazalelwua esonweni, sabunjwa ebubini, sabuya emhlabeni sikhuluma amanga.” futhi kwakungelanto eyodwa enhle ngathi, ngakho sasingaba ngabapheleleyo kanjani?

²⁴⁹ Manje nanku lokho esikufumanayo khona-ke, phezu, kokubala, sithatha uMbhalo loMbhalo, ukuthi, “UJesu, ngomhlatshelo munye, waphelelisa, nininini, iBandla Lakhe.” Yena... Khona-ke thina siphelele, ngoKhristu. Futhi sikhululiwe ekwahlulelweni, ngoKhristu. Kasisoze sife, ngoKhristu. Silahlekelwe yikufa futhi sathola iMpilo, ngoKhristu; hatshi ngaliphi ibandla, hatshi ngayiphi inhlanganiso yesonto, hatshi ngakuphi okumangalisayo, hatshi ngokukhuluma ngendimi, hatshi ngokumemeza, hatshi ngokuqhaqhazela, hatshi ngokudansa eMoyeni, kodwa ngomusa.

²⁵⁰ UNkulunkulu ubiza lowo Amthandayo. Futhi konke kungokokhetho, siyafumana. Siyafumana, ukuthi, “Akusuye lowo ofuna ukusindiswa. Hatshi lowo othandayo kumbe ogijimayo; nguNkulunkulu otshengisa isihawu.” “Futhi akula muntu ongabuya kuJesu ngaphandle uNkulunkulu amdonse, kuqala.” Ngakho ulani ongakwenza ngakho, kungenani? Kawula lutho lokwenza ngakho. Ungaphandle komfanekiso, ngakho konke.

²⁵¹ Safumana ukuthi umuntu akadingi uNkulunkulu. NguNkulunkulu edinga umuntu. Futhi safumana, khona-ke, ukuthi uNkulunkulu ungmthombo kuphela weMpilo elaPhakade. Safumana ukuthi into yonke elaPhakade kayilakho ukuqala kumbe kayila siphetho. Ngakho-ke, siyafumana ukuthi isihogo sasilesiqalo, futhi silesiphetho. Futhi kukhona kuphela... Akekho ongatsho ukuthi isihogo sinininini; nininini, yebo, nininini, kodwa hatshi laPhakade.

²⁵² *Nininini* li “banga lesikhathi.” IBhayibhili lithi, “Nininini lanininini.” Futhi likudingeni futhi lifumane nxa *unininini* engatsho “ibanga lesikhathi.” UJona wathi wayesesiswini sensikabayitshiye “nininini.” Leminye eminengi iMibhalo, *nininini* kutsho kuphela “ibanga lesikhathi.”

²⁵³ Kodwa, laPhakade, lokho yi “nininini”; lokho yinininini lanininini lanininini lanininini lanininini. NgokulaPhakade. Futhi siyafumana ukuthi isihogo kasikho laPhakade, kodwa

ngesanininini. Futhi isizatho, kumele unanzelele lawo mazwi, manje. Nxa ungakwenzi, uyasanganiseka. Manje, khumbulani, lezozinto nje ezazingela siqalo, kazila siphetho. Ngakhoke, uJesu wathi, “Lowo ozwayo aMazwi Ami futhi akholwe Kuye oNgithumileyo, uleMpilo,” nininini? Ngabe lokho kuzwakala kuhle na? Hatshi. “UleMpilo elaPhakade.” Futhi ibala *laPhakade* ngu “Nkulunkulu.” Ibala, nanti lapha khona lapha kusichazamazwi sesiGriki: *Zoe*, “IMpilo kaNkulunkulu” kuwe. Futhi ulaPhakade nje njengoNkulunkulu elaPhakade, ngoba uloNkulunkulu kuwe.

²⁵⁴ Imvelo yakho endala yafa, imvelo yomhlaba, futhi waba yisidalwa esitsha. Futhi izifiso zakho, leyo mpilo endala eyayilesiqalo lapho uNkulunkulu ephefumulela umphefumulo emakhaleni akho, lapho uzalwa, leyompilo yemvelo yenyama yafa. Futhi yayilesiqalo futhi yayilesiphetho, futhi yafa futhi yaqedwa ngayo nininini, imvelo endala. Futhi uNkulunkulu wangena leMvelo entsha. Khona-ke, uthando, intokozo, ukuthula, isineke, ukuthambeka, ukuthula, ukubekezelza, lobumnene, lesisa, lokho kwangena; futhi kwathatha indawo yomona, lolaka, lokuzonda, le-lokulingisela, umbango, lazo zonke lezozinto. Kwathatha indawo yakho, lapho usudlule ekufeni wangena ekuPhileni. Liyakuthola, sibili, manje? [Ibandla lithi, “Ameni.”—Mhl.]

²⁵⁵ Ngakho, lalelani. Kulohlobo lunye kuphela lweMpilo elaPhakade. IFumane. Leyo ngu, uNkulunkulu yedwa uleMpilo elaPhakade. IBhayibhili latsho njalo. UNkulunkulu yedwa uleMpilo elaPhakade. Futhi nxa umuntu ezaHLupheka esihogweni, nininini, kufanele abe loNkulunkulu, olaPhakade. Kodwa ngiyatsho ukuthi lapho...

²⁵⁶ Manje, khumbulani, angitsho ukuthi akula sihogo esivuthayo. Sikhona isihogo esivuthayo, umlilo lesibabule. “Lapho i—isibungu si...umlilo ongacitshwa khona futhi isibungu kasifi,” somlilo lesibabule, isijeziso. Kungahlala okweminyaka elikhulu lamabhiliyon. Kodwa kumele kube lesiphetho, ngoba isihogo sadalelw udeveli lengilosi zakhe. Futhi konke lokho uNkulunkulu uqobo, Ngokwakhe, okwakukhonha ekuqaleni, konke kwavela kuNkulunkulu. Lapho uMoya uqobo...

²⁵⁷ Thatha nje uMoya wothando, lowo kwakungumthombo omkhulu kaNkulunkulu, omsulwa, ongaxutshaniswanga. Kusukela kulokho, kwabuya uthando oluphambukisiweyo. Khona-ke lwangena othandweni *lwabantu*. Khona-ke lwangena othandweni *lwasemacansini*. Khona-ke lweza kwezinye izintando, lezintando lezintando, futhi luyaqhubeke nje lumphambuka lusehla luze lube nje yikungcola. Kodwa zonke izinto lezo zazilesiqalo. Futhi ngolunye usuku kuzabuyela kuqonde khona ngemuva ekuqaliseni; lulaPhakade; lapho

inkanuko, uthando lwabantu, uthando lokutshisekela, zonke lezo ntando kuzamele zikhawuke.

²⁵⁸ Zonke lezinkolo zokufanisela uKholo zizamele zikhawuke. KuloKholo lunye lweqiniso. Lonke olunye luzamele lukhawuke. Lwalungolu phambukisiweyo lwasuswa kulumthombo oqotho.

²⁵⁹ Ngakho, ngakho-ke, isihogo, ukuhlupheka, ukuhlupheka, akusikho laPhakade. Ukuhlupheka kwalethwa ngenxa yesono, futhi isono sangenisa ukuhlupheka. Futhi lapho isono sesiphelile, ukuhlupheka kuzamele kuphele, lakho. Futhi kuzakuba lesikhathi lapho izoni, ezingazange zamukela uKhristu, emva kokuba sebejezisiwe mhlawumbe okweminyaka engamabhiliyoni alikhulu, . . . Angazi, mhlawumbe okweminyaka engamatshumi alikhulu yesigidi samabhiliyoni. Angeke ngitsho. Kodwa kuzamele kubuye ekupheleni, kwesinye isikhathi, ngoba akukho laPhakade.

²⁶⁰ Manje, siza kulwa sisiya phambili manje, sisiya ekuphelelisweni. Manje lalelani, lapho singena eMbikweni.

. . . singabeki njalo isisekelo sokuphenduka emisebenzini efileyo, futhi kusuka ekholweni kuNkulunkulu,

Ngemfundiso yenhlobo zobhaphathizo, . . . ukubeka izandla, . . . ukuvuka kwabafileyo, lo . . . kwahlulelwu okulaphakade.

²⁶¹ Manje lalelani. Silokubili . . . Silomfanekiso lapha, manje. Manje khona lapha yikho lapho esizathola khona ukungavumelani okukhulu. Manje kumele ubone lapho okulomfanekiso khona. UPhawuli uyazama, lapha, ukwehlukanisa umthetho emuseni. Silemifanekiso emibili: omunye, owenyama; omunye, okamoya. Futhi uPhawuli uzama uku—ukwehlukanisa phakathi kokubili, ukutshengisa amaJuda. Lincwadi ngeyamaHebheru. Futhi wonke amaHebheru azama ukutshengisa iphetheni yeThestante eliDala lifanekisa eliTsha. Ngakho, lilemifanekiso emibili lapha eliyikhangelyeo.

²⁶² Manje lalelisisani lapho sibala. Manje wathi:

. . . sitshiya izimfundiso zokuqala zemfundiso kaKhristu, kasiqhubekeni siye ekupheleleni; . . .

²⁶³ Manje, sikutholile lokho lokhu kusa, ukuthi sipheleliswa njani. Sipheleliwi, impela singelatshatha futhi singelacala, kungela sono lesisodwa phezu kwethu. Ungaphezu kwesilingo na? Ngitsho. Uyona nsuku zonke na? Yebo, mnumzana. Kodwa, kunjalo, sipheleliwi ngoba siKuye. Futhi uNkulunkulu angeke asahlulele loba sekutheni (sasingeke sibe ngabalungileyo), Usevele wasahlulela Kuye. Lapho Esahlulela uKhristu, Wangahlulela, Wakwahlulela. Futhi Angeke angahlulele futhi, ngoba Wathatha ukwahlulewa kwami nxa kuyikuthi ngihlengiwe.

²⁶⁴ Futhi ngiletikiti elokutshengisa ukuthi ngihlengile inkombalanga yami eshopu ebolekisa imali ithathe isibambiso, yeka omunye azame ukuyibuyisela eshopu ebolekisa imali ithathe isibambiso kanye, lapho ngiletikiti. Ngiyihlengile.

Futhi nxa udeveli engazama ukubeka isijeziso phezu kwami, ngiletikiti elitshengisa ukuthi ngihlengiwe. Yebo, mnumzana. Akusela kwahluelwa! “Lowo ozwayo aMazwi Ami, futhi akholwe Kuye oNgithumileyo, uleMpilo elaPhakade, futhi akasoze abuye ekwahluwelweni, kodwa usedlule ekufeni waya ekuPhileni.” Lelo litikiti lami. Wapha isithembiso.

²⁶⁵ Manje, manje umfanekiso, lapha.

...singabeki njalo izisekelo zokuphenduka
emisebenzini efileyo, futhi...ukholo kuNkulunkulu,
...imfundiso yobhaphathizo,...ukubeka izandla,...
ukuvuka kwabafileyo,...ukwahluelwa okulaphakade.

²⁶⁶ Manje, khumbulanji. Linanzelele lelo bala lisetshenziswa njalo? Silisebenzisile lokhu kusa, “Ukwahluelwa okulaPhakade.” Lapho uNkulunkulu engakhuluma kanye, KulaPhakade. Akungeke kuguqulwe, lakancinyane. Ngakho, ukwahluelwa kulaPhakade, kuhlezi kuyikwahluwelwa. Futhi kungelandaba lesizukulwane esiphila kuso, isizukulwane sinye sizaphila, futhi umthetho owodwa uzaphila, futhi kunininini, kumbe okwaloba yisiphi sikhathi, futhi *lokhu lalokho*. Kodwa ukwahluelwa kukaNkulunkulu kulokhu kulaPhakade, Kufanele abe njalo, ngoba Wakhuluma iLizwi. Lapho uNkulunkulu ekhuluma iLizwi, Kufanele libelaPhakade. Kunjalo.

²⁶⁷ Manje mangilibaleleni okwesiGiriki. Lalelani ukuthi kubala njani.

*Ngakho-ke sitshiya—sitshiya izimfundiso zokuqala
zemfundiso kaKhristu, Owaba lokubuyisana, kufanele
sifuqe—sifuqe siqonde i...*

Manje, angeke ngisibale. Akukhanyi. “Futhi singabeki njalo isimo...” Nanko-ke silapha.

...singabeki njalo isimo senguquko emisebenzini
ebangela ukufa.

²⁶⁸ Manje, lesichazamazwi kasiso ngcazelo loba yiphi impela, ngitsho lakancane. Libala nje lesiGiriki elalokho isiLungu esikutshoyo. Futhi sathi, “Manje kasifuni...” Lalelani lapha, bona.

...singabeki phansi izisekelo zenguquko
emisebenzini ebangela ukufa.

²⁶⁹ Manje nxa ungathola lokho engqondweni yakho, ukuthi ukhuluma lapha, ukuthi, “Izimo zokuguqulwa zibangela ukufa.” UPhawuli wathi, “Litshiya izimfundiso zokuqala, hambani ekupheleleni, singabeki njalo isisekelo sokuphenduka

emisebenzini efileyo lokholo kuNkulunkulu: imfundiso zobhaphathizo, ukubekwa isandla, ukuvuswa kwabafileyo, ukwahluelwa okulaPhakade.” “Izimo zenguquko ezibangela ukufa,” kwakungamazwi aqondileyo. Yikho kanye lokho uPhawuli akubhalayo. Bona lokho azama ukukwenza?

²⁷⁰ Manje, zonke izinto lezi, njenge mbhaphathizo: omunye ubhaphathizwa nyovane, omunye phambili, omunye ebizwemi likaBaba, iNDodana loMoya oNgcwele, omunye ibizo likaJesu, omunye *ngalindlela*, futhi *ngaleyo* ndlela, lazo zonke lezizinto ezincinyane ezelukeneyo zembhaphathizo.

²⁷¹ Futhi lokokubeka izandla: “Busisa uNkulunkulu, ngilesipho sokubeka izandla. Haleluya! Wena, ungaKuthola *ngalindlela*. Haleluya!”

²⁷² Sibeka konke kwalokho eceleni, ngoba leyo yimisebenzi efileyo, lezi nguqulo, ziguqula. Bona? Ukhuluma ngeyinye ikilasi. Manje wathi, “Asisukeni kulokho, futhi siqhubekele kokupheleleyo.” LiyaKuthola? [Ibandla lithi, “Ameni.”—Mhl.]

²⁷³ Futhi ibandla lilokhu lilengele emuva kulezo zinto. Yikho lokho ababezama ukukwenza. Ibandla lesiHebheru lasekuqaleni lalizama ukuthi, “Awu, ngabhaphathizwa ngokucwiliswa, futhi—futhi ngathola *lokhu*, *lalokhu*, lazo zonke *lezi* zinto.”

²⁷⁴ Wathi, “Manje, bekani konke kwalokho eceleni, likutshiye ngemuva.” Kodwa, manje, uke wathi akumelanga sikwenze? Manje lalelani kulokho akutshoyo ngalokho.

Futhi lokhu sizakwenza, . . . UNkulunkulu evuma.

²⁷⁵ Futhi elasekuqaleni latsho into efanayo.

Lokhu sizakwenza, nxa uNkulunkulu ezasivumela,
bona.

Lokhu sizakwenza, nxa uNkulunkulu esivumela.

²⁷⁶ Imibhaphathizo, ukubeka kwezandla, lezinto, kodwa lokho akuphelelanga. Lokho yikuguqulwa kwenyama kuphela. Futhi yikho lapho amabandla asuka khona, lamuhla, kukulokho kuguqulwa kwenyama. Omunye wabo wathi, “O, awu, amanzi, ibala *ubhaphathizo* litsho *lokhu* futhi litsho *lokho*.”

²⁷⁷ Futhi bamisa izinhlanganiso: futhi enye iyafafaza, enye iyathela, enye ibhaphathiza ubuso buphambili, omunye nyovane, lazo zonke lezo zinto; abanye babo ukubeka izandla kwabagulayo, futhi abanye besenza abapostoli, labanye besenza abaprofethi lokunjalo, ngokubekwa izandla; lokutshumayela ukuvuka kwabafileyo, futhi konke kuhle; lobuNkulunkulu obukhulu bukaKhristu, konke lokho kuhle. “Kodwa,” wathi, “zonke lezi zinguqulo ezipholileyo. Besiguqula nje. Manje kasiqhubekele kokupheleleyo.” Liyawuthola umfanekiso? [Ibandla lithi, “Ameni.”—Mhl.]

²⁷⁸ Manje khangelani. Nanku lapho ingxenye ejulileyo ebuya khona manje.

*Ngoba kakulakwenzeka kulabo asebake bakhanyiswa,
futhi banambitha isipho sasezulwini, futhi benziwa
abahlanganyeli bakaMoya oNgcwele,*

*Futhi banambitha okwelizwi elihle
likaNkulunkulu, . . . amandla elizwe elizayo,*

*Nxa bezakuhlamluka, labo-ke ukuthi babuye
bavuselwe ekuphendukeni; lokhu libona ukuthi
bayazibethelela iNdodana kaNkulunkulu kakutsha,
beyithela ihlazo obala.*

²⁷⁹ Manje, ngiyakwazi lokho lina abomthetho elilakho engqondweni zenu khona manje, kodwa liphambukile. Bona? Kulungile. Ngima kulokhu, futhi iBhayibhili liyakuqinisa, ukuthi, “Nxa uNkulunkulu wake wasindisa umuntu, usindisiwe okwesikhathi futhi laPhakade.” Awungeke ukwenze Kutsho enye into.

²⁸⁰ Omunye wabezisekelo weza kimi, kungasikude, futhi wathi, “Ngikubambile kokukodwa, Mtshumayeli Branham. Ngikubambile kokukodwa. Wathi, ‘Nxa umuntu wasindiswa, wayengeke alahlek?’”

²⁸¹ Ngathi, “Yikho lokho uNkulunkulu akutshoyo.”

²⁸² Wathi, “Ngifuna ukukuba za enye into. USawuli wayengumprofethi, futhi waprofetha. Futhi liyazi ukuthi wayengogcotshiweyo kaNkulunkulu. IBhayibhili lathi wayeyikho. Futhi wazibulala, futhi walahleka.”

²⁸³ Ngathi, “Wayenjalo?” Ngathi, “IBhayibhili liyatsho waye ‘sindisiwe.’ Ngemva kokuba esebe yisitha kuNkulunkulu, wayelokhu esindisiwe. IBhayibhili lathi wayenjalo. Futhi, emva kwakho konke, kazange wazibulala. UmFilistiya wambulala, futhi uDavida wabulala umFilistiya ngokumbulala. Wawa phezu kwenkemba yakhe, umkhonto wakhe, inkemba, kodwa, wakwenza. Ayizange imbulale. Futhi umFilistiya wambulala. Futhi-ke lapho uSawuli esehla phansi kumthakathi, futhi wabiza umoya kaSamuweli, ngoba wayengakangeni eNkazimulweni, WayesePharadise phansi kwegazi elichithiweyo lezinkunzi lezimbuzi elalingeke lisuse isono. Kodwa kwakumele abe lendawo yokulinda, leyo ethiwa yipharadise, waze wangena phakathi.”

²⁸⁴ Yikho lapho lina bantu beKatolika elaxubaniseka khona. Bona? Manje, akusela pharadise manje. Siqonda khona kanye eBukhoneni bukaNkulunkulu.

²⁸⁵ Futhi lapho umthakathi waseEndori esebize umoya kaSamuweli, nango emile. Futhi wawa ngobuso bakhe, futhi wathi, “Kungani ungikhohlisa?”

²⁸⁶ Futhi uSawuli wayengamanga lapho kuphela... Ngitsho uSamuweli, ezambathweni zakhe zesiprofethi, wayelokhu engumprofethi. Wathi, "Kungani ungibizile ekuphumuleni kwami," wathi, "ubona ukuthi usube yisitha kuNkulunkulu?"

²⁸⁷ Wathi, "Awu, iUrimi ayisakhulumi lami futhi. Umprofethi akasaprofethi kimi njalo. Futhi kangisakwanisi ukuthi ngibe lephupho."

²⁸⁸ "Awu," USamuweli wathi, "usube yisitha kuNkulunkulu. Kodwa kusasa impi iyahamba ngenye indlela, futhi uzakufa kusasa. Futhi ngalesi sikhathi, kusasa ebusuku, uzakuba lami." Nxa uSawuli wayelahlekile, kanjalo loSamuweli, bonke babendawonye. Ngeqiniso. IBhayibhili latsho njalo.

²⁸⁹ Manje, ungabe ubanjwe lidlabuzane, ngokukhuluma ngendimi, ukumemeza, ukudlukuza, ukuqhaghazela, ukugijima phezulu laphansi emkhandlwini wezihlalo. Akulalutho olumelene lalokho. Kodwa ungazenza ukholwe ukuthi usindisiwe lapho ungasindiswanga, awusindiswanga. Impilo yakho izafakaza lokho oyikho. UJesu wathi kuzakuba njalo, "Ngezithelo zabo lizakubabazi." Impilo yakho izakufakaza ukuba usindisiwe kumbe hatshi, nxa ungeke uvule umlomo wakho. Izakufakaza lokho oyikho.

²⁹⁰ Kodwa konke lokhu ukusetshenzwa ledlabuzane lokujoyina ibandla, "Futhi ngabhaphathizwa eBizweni likaJesu, haleluya, ngiyakwazi ngiKutholile," lokho akutsho lutho.

²⁹¹ "Ngabhaphathizwa, ibizo likaBaba, iNdodana, uMoya oNgcwele, ubuso phambili, kathathu. NgiKutholile." Lokho akutsho ulutho.

²⁹² UPhawuli wathi, "Kasiqhubekele kokupheleleyo manje." Sikhuluma ngokupheleliweyo. Futhi nxa singehlisa lokhu, lizafumana, abapheleliweyo ngabaKhethiweyo. Ngizakufakaza khona kini, ngemizuzu emilutshwana, ngeBhayibhili. KungabaKhethiweyo labo uNkulunkulu, ngaphambi kokusekelwa komhlaba, wababona bonke ngamunye. Futhi Wathomela uJesu ukuzohlenga labo bantu, hatshi umhlaba wonke. Wayefuna ukukwenza, kodwa Wayemele enze indlela yalabo. Futhi indlela kuphela Ayengayenza, kwakuyikuthumela uKhristu; ukuthi Angabuya, inhlawulo yezonzo zethu, ukuze labo abakhethiweyo, Angabaletha Kuye, eNkazimulweni.

²⁹³ Ungakucabanga uNkulunkulu ephatha iwofisi yakhe ngokuxega okungaka, njengokuthi, "Awu, mhlawumbe omunye umuntu uzacabanga ngokudana sibili Ngami, mhlawumbe bazabuya futhi basindiswe"? UNkulunkulu kadingi ukuthi akuncenge ukuthi wenze ulutho. Ukuncenga loba kuphi, kumele wena uncenge, hatshi uNkulunkulu.

²⁹⁴ Futhi-ke, uKhristu wafa ukusindisa labo uNkulunkulu, ngokwazi ngaphambili, wakhethwa ukuhlangana Laye

ngaphetsheya bengela sici kumbe ukutshwabhana. Ngaphambi kokusekelwa komhlaba, Wakubona eNkazimulweni. Yikho lokho iBhayibhili elakutshoyo, abaseEfesu, isahluko 1. isahluko 5, indima 1. UNkulunkulu wamisela ngaphambili ngokwazi ngaphambili.

²⁹⁵ Manje, nxa uNkulunkulu wenza lokho, wasimisela ngaphambili ngaphambi kokusekelwa komhlaba, futhi wasazi sonke munye ngamunye wethu ngebizo, ngaphambi kokusekelwa komhlaba, futhi wasikhethela eMPilweni elaPhakade, futhi wathumela uJesu Khristu ukusihlenga, ukuthi, iminyaka ezinkulungwane eziyisithupha edluleyo, Wasibona, ukuze sibonakale endunyisweni Yakhe eNkazimulweni, ungalahleka kanjani?

²⁹⁶ Manje, nxa usindisiwe, usindisiwe. Nxa uNkulunkulu ekusindisa lobubusuku, Esazi ukuthi uzalahlekela nguwe iminyaka elitshumi kusukela lamuhla, Wehlula injongo Yakhe uQobo; ongelamkhawulo, uSomandla, olaPhakade, inhlakanipho engapheliyo, uNkulunkulu, akakwazi okweneleyo khona-ke ukwazi loba uzakubambelela kumbe loba awusoze. Khona-ke, lapho Ekusindisa, futhi athi, "Awu, Ngizamnika isivivinyo, futhi ngibone lokho azakwenza," khona-ke Akasazi isicino kusukela ekuqaleni. UNkulunkulu uyakwazi lokho Akwenzayo, ungakhathazeki ngalokho. Kunguwe lami esihamba sikhubeke. UNkulunkulu uyakwazi lokho Akwenzayo. Futhi Wayesazi ukuba si...loba sizakubambelela, kumbe lokho esasizakwenza.

²⁹⁷ Manje, iBhayibhili latsho ukuthi, uEsawu loJakhobe, ngaphambi kokuba loyedwa umntwana esezelwe, uNkulunkulu wathi, "Ngithanda omunye, futhi ngizonda omunye," bengakaphefumuli umphefumulo wabo wakuqala, ukuze ukukhetha Kwakhe kume kuqondile.

²⁹⁸ Wayengubani uAbrahama (Sizafika kuye ngemizuzu emlutshwane, phansi lapha.) wayengubani, ukuze uNkulunkulu ambize, amsindise kungela loba yini? UNkulunkulu wenza isivumelwano lomuntu, umuntu uyephula isivumelwano sakhe. Kodwa uNkulunkulu wenza lesi Sivumelwano Laye uqobo, futhi wafunga kuso, ngoKwakhe, umuntu kalalutho lokwenza ngakho. Lulwazi lwangaphambili lukaNkulunkulu uQobo, Wakwenza, kungenani.

²⁹⁹ Manje, wena uthi, "Awu, Mfowethu Branham, khona-ke nxa ngingaba ngumKhristu, ngingenza loba yini engifuna ukuyenza?" Impela. Nxa ungumKhristu, yenza loba yini okufunayo. Futhi ngiyakuthembisa, awusoze ube ngitsho lesifiso sokwenza okubi. Yenza loba yini. Ngihelezi ngisenza lokhu nje engikufuna ukukwenza. Futhi nxa ngingakhonza iNKosi ngoba ngiyesaba ukuthi ngizakuya esihogweni, KangiMkhonzi kuhle. Nxa ngiphila ngiqinisekile kumkami ngoba ngiyesaba

ukuba uzangala, angisiyo ndoda enhle kakhulu. Kodwa angisoze ngimzwise ubuhlungu ngalutho, ngoba ngiyamthanda.

³⁰⁰ Yiyo indlela okuyiyo ngoKhristu, lapho umuntu ezelwe ngoMoya kaNkulunkulu. Hatshi ngoba wamemeza, wakhulumo ngendimi, kumbe amadlabuzane athile; kodwa enhliziyeweni yakhe, uthando lwangena futhi lwathatha indawo yomhlaba. Ngiyakutshela, uyaMthanda. Uhamba eceleni Kwakhe, nsuku zonke. Awudingi ukumtshela, “Kubi ukwenza *lokhu*, kumbe *lokho*, kumbe *okunye*.” Uyakwazi ukuthi akuqondanga. Futhi, uyahamba, uyimpumela emiselweyo yomusa kaNkulunkulu ozibusayo. Yikho kanye.

*Ngoba kakulakwenzeka ukuthi bona labo asebake
bakhangiswa, . . . benziwa abahlanganyeli bo . . . bizo
lwasezulwini . . .*

Manje, sikholiwe kwezinye izikhathi ukuthi lowo kwakungumuntu owake wakhanyiswa futhi wasesiwa njalo, kodwa iBhayibhili alikubali ngaleyo ndlela. “Akulakwenzeka sibili ukuthi umuntu,” uthi lapha, “lowo owamukela uMoya oNgcwele, ukuthi awe.” Manje libale futhi ufumane nxa lokho kungayisikho. Khangelani lapha, thathani umbhalo, umbhalo wonke, okumunyethewo, indikimba, bengisitsho.

³⁰¹ Manje useqala ukukhulumo mayelana, ngokuthi kuyini? “Kasiqhubekele kokupheleleyo.” Manje, wathi, “Hatshi okwenyama, sibeka isisekelo lapha sezimfundiso lobhaphathizzo lenguquko, lokunjalo. Masingakwenzi lokho. Kasiqhubekele kokupheleleyo.” Isifundo *yikuphelela*, futhi ukuphelela kuza ngoKhristu. Futhi sangena njani kuKhristu? Ngokujoyina ibandla na? “NgoMoya munye sonke sabhaphathizelwa eMzimbeni munye.” Hatshi ngo: lulodwa, ulimi-olukhulunywe kuwo; okukodwa, ukuxhawula isandla kuwo; okukodwa, ukubhaphathizwa kwamanzi kuwo. “Kodwa ngoMoya munye sibhaphathizelwa eMzimbeni munye.” Liyakuthola? Yikho ukuphelela.

³⁰² Futhi lapho usiza kuLokho, ukuKhristu, futhi umhlaba ufile kuwe. Futhi uhamba leWundlu usuku ngalunye, lamanyathelo akho agcotshwe nguNkulunkulu, lokho okokwenza. O, ukuvivinywa lokuhlolwa esidlula kukho! Uthi, “Ulakho ukuhlolwa?” Yebo, mnumzana. Kuyini . . .

³⁰³ Umusa uyilokho uNkulunkulu angenzela khona, imisebenzi yilokho engikwenzela uNkulunkulu. Manje, bazakwenza imfundiso ngakho, bacabanga ukuthi imisebenzi yilokho okukuzuzela ukufanelo kwakho. Nxa kuyikho, akusiso siphosangesihe. Umusa yilokho uNkulunkulu akwenzela khona, “Ngomusa usindisiwe.” Futhi imisebenzi yilokho okwenza ekuthakazeleleni umusa Awutshengisa kuwe. Futhi nxa uMthanda, uyathanda ukwenza imisebenzi yeNkosi. Ngeqiniso, ngoba, khona-ke, u—uyaMthanda.

³⁰⁴ Ukwamukela uMeda Broy, njengo mkami, kwakuyilokho uthando olwamenzela khona. Lokho akwenzayo, ngokuthakazela: unggumfazi omuhle, ohlala ngekhaya, anakekele abantwana, futhi aphile impilo eqinisekileyo enhle. Lokho akusikho ukuba kositshadanga; sitshadile. Kodwa wenza lokho ngokuthakazela. Nxa egijima phansi edolobheni, usuku lonke, futhi wathatha zonke izitolo ezitshiphileyo, futhi phezulu laphansi ezitaladeni, futhi engazange agezise izitsha, kumbe loba yini okunye, silokhu sitshadile. Impela. Lapho ngithatha isifungo sami, lokho kwanele. Ungumkami. Ingqe kuphela kulempilo phakathi kwethu, ungumkami. Leso yisifungo sakhe. Kodwa yikuthakazela bani akwenzela lokho: uhlala ngekhaya, futhi anakekele abantwana, futhi azame ukuba ngumfazi oqotho.

³⁰⁵ Ngingagijima phandle futhi ngingabikhona isikhathi sonke, ngizulazula elizweni, futhi ngimyekele esifa ngendlala ingxenye, kumbe loba yini, ngiyekela abantwana behambe bengelanto yokudla; silokhu sitshadile. Loba engehluvana lami, lokhe ngitshadile, ngqe kulempilo emzimbeni wami. Ngathatha leso sifungo, “Kuze kube yikuwa sizehlukana.” Kunjalo. Silokhu sitshadile. Kodwa, kanjalo, ngenza izaba elibi lendoda. Uzakwenza izaba elibi lomfazi. Ngakho nxa sithandana, siyanamathehana ndawonye futhi sidonse umthwalo, sindawonye.

³⁰⁶ Yiyo indlela uNkulunkulu leBandla Lakhe abayikho. Lapho uzelwe eMbusweni kaNkulunkulu, uzakuba lezikhathi zakho *ezinhle lezimbi*, qiniso, kodwa ulokhu ungumKhristu, ulokhu uzelwe ngoMoya kaNkulunkulu. UNkulunkulu angakususa emhlabeni masinyane.

...*kakulakwenzeka kulabo asebake bakhanyiswa,*
futhi banambitha... isipho sasezulwini,...

<i>...ukuthi</i>	<i>bawe,</i>	<i>ukuzivuselela</i>	<i>njalo</i>
<i>ekuphendukeni;...</i>			

³⁰⁷ Manje, ngiyazi lapho ocabanga ngakho, ibandla. Mangikuthatthele owodwa nje ngokuqinileyo kancinyane nje, ukuze i—icele labomthetho livalelwé ngaphandle. Asiyeni kumaHebheru, isahluko 10, futhi sikhangele kulokhu okwesikhhatshana.

³⁰⁸ isahluko 10, indima 26.

Ngoba uba sisona ngamabomo emva... sesamu kele
ulwazi lweqiniso, akusela mhlatshelo ngesono,

Kodwa ukulindela okuthile okwesabekayo...
okokwahlu lelwá lolaka lomlilo, ozakuqeda isitha.

Lowo odelela umlayo kaMose wafa ngaphandle
kwesihawu ngabafakazi ababili loba abathathu:

Pho lithi ufanele ukutshaywa kanganani, loba kufanele...lanxa kufanele, ...onyathela i...lowo onyathele phansi iNdodana kaNkulunkulu, futhi owabala igazi lesivumelwano, owangcweliswa ngalo, into engangcwele, futhi...weyisa kuyo imisebenzi yomusa?

³⁰⁹ Manje wena uthi, “Uthini ngalokho, Mfowethu Branham? Kukhangeleka njani lokho?”

Manje, ukubala nje, ngiyacabanga, “UMbhalo awutsho lokho.” Lokho kakukhulumi ngomKhristu. Kukhuluma ngomuntu ovezwa iLizwi futhi waLidela. Bona?

Ngoba uba sisona... (Kuyini isono? Ukungakholwa)... uba singakholwa ngamabomo emva ivangeli selitshunyayelwe kithi, kakusela mhlatshelo wesono,

³¹⁰ Kuyini isono? Ukungakholwa. Bala uJohane oNgcwele, isahluko 4. UJesu wathi, “Lowo ongakholwayo usevèle walahlwa.” Isono kayisikho ukubhema, ukunatha, ukwenza ubufebe. Uyakwenza lokho ngoba ungongakholwayo. Yizifanekiso. Uyakwenza lokho ngoba ungongakholwayo. Ukyekela nje ukubhema, ukuyekela ukunatha, lokunjalo njengalokho, lokho akutsho ukuthi u—ungumKhristu. Yizifanekiso zokuguqulwa kwakho. Kodwa, unga—ungenza loba luphi uhlangothi, futhi ube ulokhu ungayisuye.

³¹¹ Manje nanzelelani.

...lo ongakholwayo ngamabomo emva e...

³¹² Hatshi—hatshi, “Emva kokuba esemukele uKhristu enhliziyweni yakhe.” IBhayibhili kalikutsho lokho. Lathi, “Lowo o...”

...uba sisona ngamabomo, ukungakholwa ngabomo, emva...sesamukele ulwazi lweqiniso,...

Liyakuthola? Wayengakhulumi kumKhristu, lakancane.

³¹³ Omunye umfazi wabuya kimi, kungasi kude, futhi wathi, “Mfowethu Branham, ngingumKhristu, kodwa ngahlambaza uMoya oNgcwele.”

³¹⁴ Ngathi, “Kakwenzeki.” UmKhristu angeke ahlambaze uMoya oNgcwele. Awungeke ukwenze. Umoya womKhristu uyafakaza loMoya kaKhristu. Bona? Futhi uzabiza, yonke into kaNkulunkulu, “ekaNkulunkulu.”

³¹⁵ Kodwa nxaxa ulengqondo zenyama, uzakwenza inhlekisa futhi uholeke uMoya oNgcwele; Angilandaba ukuthi uhamba okunganani ebandleni, ulokhu uyisoni, futhi uhlambaza uMoya oNgcwele. Lapho bebona uJesu edalula imicabango yabo, bathi Wayeyi “sanuse.”

³¹⁶ UJesu wathi, “Ule...Ngizakulixolela ngalokho, kodwa lapho uMoya oNgcwele usubuyile, ungakhuluma ilizwi elibi Ngakho, awusoze uthethelelwe.”

Ngoba, bathi, “Ulomoya ogcolileyo,” ubiza uMoya kaNkulunkulu, “into engcolileyo.”

UmKhristu angeke akwenze lokho. UmKhristu uzahlala ebiza uMoya kaNkulunkulu, “Ukulunga.” Bona? UmKhristu kangeke ahlambaze uMoya oNgcwele. Ngophandle ohlambazayo.

³¹⁷ KwakungasomaKhristu emile lapho. Kwakungabantu benkolo, amajuda angabantu benkolo, odokotela benkolo, lokunjalo, futhi babesenza inhlekisa Ngaye futhi lemisebenzi Yakhe, ebiza imisebenzi kaNkulunkulu, ukuthi, “Kwakungumoya ongcolileyo owawukwenza.”

³¹⁸ Futhi bangaki obacabangayo lamuhla abahlambaza uMoya oNgcwele, abalama D.D.D., Ph.D. ebizweni labo? Bangaki abakhulu, Abantu benkolo abalukhuni, AmaKatolika, amaProtestanti, behamba esitaladeni futhi besenza inhlekisa umsebenzi woMoya oNgcwele, njengabafundi abalolongiweyo, futhi betshelela njengesikopela? Kulungile. Kodwa benza inhlekisa uMoya oNgcwele, futhi njalo-ke bayawuhlambaza.

Kodwa umKhristu ozelwe kutsha angeke akwenze lokho. Uzakuthi, “Lowo ngumfowethu. Lowo nguMoya kaNkulunkulu ophilayo.” Kunjalo. UmKhristu angeke ahlambaze uMoya oNgcwele.

³¹⁹ Yisoni esihlambaza uMoya oNgcwele; ongakholwayo, *isoni*, “ongakholwayo.” Kulezinto ezimbili: ungabe ulikhola, kumbe ongakholwayo.

³²⁰ Manje, nanzelelani lapha, ukwenza lokhu kuhlanganiseke sibili manje. Ngibe lombono obuhlezi ungikhathaza. Iminyaka edluleyo ngangijwayele ukukhangela kulokho. Ngathi, “O, uba umuntu wake wemukela uMoya oNgcwele lapho-ke, futhike ahlehlele emuva, uzakulahleka nini lanini.” Angitholanga okunye lokhu ukwenza kuzwakale ngalokho.

³²¹ Ngathi, “Khona-ke kungani kuyikuthi iBhayibhili lathi, ukuthi, ‘Lowo ozwayo aMazwi Ami futhi akholwe Kuye oNgithumileyo uleMpilo elaPhakade, laPhakade, futhi akasoze abuye ekwahluelweni, kodwa usedlule ekufeni waya ekuPhileni. Konke uBaba angiphe khona Mina kuzakuza Kimi, futhi kakula lokukodwa kwakho okulahlekileyo, Ngizabavusa osukwini lokucina. Akulamuntu ongabahluthuna esandleni Sami?’ Lokhu kutshiyana njani lalokho? Angizange ngikuzwisise nje. ‘Akulakwenzeka kulabo asebake bakhanyiswa.’” Ngacabanga, “Kulento engalunganga. Kangikutholi nje.”

Futhi ngaya emhlanganweni omncinyane wePhentekhosti, iminyaka edluleyo.

³²² Akula loyedwa oseleyo ebandleni, ngiyathemba, lobubusuku, labo abakhumbulayo. Iminyaka edluleyo, lesi kwasekuyisikhathi ithabhanekeli selakhiwe. Ngaphandle, kube nguMfowethu Graham emuva-le, kumbe omunye umuntu. Kangazi, wawulapha kuqala, kumbe hatshi, bafowethu. UMfowethu Mahoney, ngicabanga, wayenguye. Yebo. Ngangingakatshadi.

³²³ Leso sipho sisebenza, ngangisesaba. Bangitshela ukuthi kwakungokukadeveli. Angizange ngibe kwazi kwaze kwathi iNgilosi yeNkosi yangitshela.

³²⁴ Ngaya eMishawaka, futhi ngahlala kulowo mhlango, futhi angikaze ngizwe ukumemeza okungako lokukhala lokudumisa uNkulunkulu. Ngacabanga, “Mfowethu, leli liZulu.” Futhi, o, ukuthi babekhwela lokwehla kanjani.

³²⁵ Benza okokuba lawo eNyakatho, ngenxa yobandlululo. Abansundu labamhlophe babendawonye. IPA. yeW. leP.A. yeJ.C. yayisihlangene sibili futhi yaba yiUnited Pentecostal. Kodwa yimvuselelo bani ababelayo, lapho ethabhanekeli likaMfowethu Rowe eMishawaka. Futhi mina, umfo omcinyane ohlolisisayo, ehlezi esihlalweni sangemuva, ngangikhangele konke lokhu. Ngangingakaze ngizibone lezi izinto kwasekuqaleni.

³²⁶ Kwakulendoda eyayihlezi lapha...Angikaze ngikhulume lokhu emphakathini ngamuva. Kwakulendoda eyayihlezi ohlangothini lunye, futhi lendoda nganeno, futhi omunye wakhulumu ngendimi, futhi omunye wakhona wazichasisa. Futhi babekhulumu izinto ezitshiyeneyo ezazizakwenzakala. Khona-ke, *lowu* ekhulumu ngendimi, futhi *lowana* omunye achasise. Ngacabanga, “Minabo, akumangalisi lokho na!” Ngacabanga, “Kuyinkazimulo enganani! Bona kumele babe ziNgilosi, ezechle phansi esimweni sabantu.”

³²⁷ Awu, ngangiledola kuphela lamasenti angamatshumi ayisikhombisa lanhlanu, ukuba ngiphenduke ekhaya, futhi nga—nga—ngangingathola nje itanka lepeturolu. Ngalala ensimini yomumbu lobobusuku. Ngilengxenyen yakho ebhukwini, kodwa hatshi konke kwakho, ngoba ngangingafumi ukuthunuka imizwa yabo. Futhi-ke, lobobusuku, bathi, “Bonke abatshumayeli babuye kupulatifomu.” Ngangiku pulatifomu. Ngangingumtshumayeli omncinyane lapho khona-ke.

³²⁸ Ngakho, ukusa okulandelayo, bangicela ukuthi ngize ngitshumayele. Ngacatsha. Liyazi, lindoda ensundu yathi, “Nangu lapha.” Liyakhumbula indaba yakho, lapho engiveza obala nighlezi lapho.

³²⁹ Futhi-ke emva kokutshumayela ngalolosuku, ngihamba ngibhoda, ngacabanga “Nxa kuphela ngingafika kulawomadoda

amabili.” Bakhokhela umhlangano. Oyedwa wayephakama futhi abemhlopho ebusweni; wayekhuluma ngendimi. Futhi omunye azichasise, futhi aphe amazwi, “ITSHO KANJE INKOŠI, ‘Kulomuntu *othile-thile* lapha, obizo *thile-thile*, ofanele enze *lokhu lokuthile-thile*.’” Mfowethu, kwakuliqiniso. Futhi omunye wayephakama futhi akhulume ngendimi, futhi wayechasisa.

³³⁰ Ngacabanga, “O, minabo, akumangalisi lokhu na!” Ngakho, ngalolo suku, ngacabanga, ngaphuma phandle futhi ngakhuleka. Ngacabanga, “Nkosi, Ngenzele lokho njalo.” Angazanga ukuba ngikubize ngokuthini, imibono.

³³¹ Ngaphuma phandle futhi ngakhuleka, futhi ngacela iNkosi ukuthi ingisize. Ngabhoda isaklıwo, futhi ngenzakala ukuhlangana lomunye wabo. Manje, iNkosi inginike indlela yokwazi izinto. Ngaxhawula isandla sakhe. Ngathi, “Kunjani?”

Wathi, “Unjani? Ngubani ibizo lakho?”

Futhi ngathi, “Branham.”

“O,” wathi, “ungumfo omncinyane otshumayele lamuhla ekuseni.”

Ngathi, “Yebo, mnumzana.”

³³² Lapho ngisaxoxisana laye, ngabamba umoya wakhe. Futhi wayengumKhristu oqotho, umKhristu omsulwa nje, mzalwane. Ngitsho ukuthi, wayelikholwa. Ngacabanga, “O, akumangalisi lokhu na!”

³³³ Futhi phose ihola kusukela leso sikhathi, phandle lapho duzane lemota, leyo eyayikhangele emoteni enkulukazi, yayilo “Jesu Kuphela” kubhalwe ngemuva kwayo, futhi kumile phandle lapho kwakungeyinye indoda. Futhi ngaphuma futhi ngathi, “Kunjani, mnumzana?”

³³⁴ Wathi, “Unjani?” Wathi, “UnguMfowethu Branham, lowo okhulume lokhu kusa.”

³³⁵ Ngathi, “Yebo, mnumzana. Nginguye.” Ngathi, “Akutsho, ngiyazikhola zona isipho esikhulu sikaNkulunkulu esisebenza kini lina bazalwane ababili.”

³³⁶ Wathi, “Ngiyabonga, Mnu. Branham.” Futhi ngaqala ukuzwa umoya wakhe. Umbono wabuya. Futhi nxo ngake ngakhuluma lomzenzisi, nango omunye wabo. Umkakhe wayengumfazi olenwele ezimnyama. Wayephila lomfazi olenwele ezimhlotshana, elabantwana ababili ngaye. WayengasomKhristu ukwedlulani emhlabeni.

³³⁷ Khona-ke ngathi, “Kuyini esengingene kukho? Bengicabanga ukuthi ngiphakathi kweziNgilosi, futhi manje kumele ngibe phakathi kwamadimoni. Enye into iyenzakele. Nangu oyedwa, umKhristu oqotho; futhi uMoya ofanayo usehlela *kulindoda*, wawusehlela *kulindoda*.” Ngathi, “Manje

ngididekile.” Angazanga ukuthi ngenzeni. Ngakhala futhi ngacela, eNkosini. Angazanga ukuthi ngamukeleni.

³³⁸ Basebezangihambisa e...Bangibusa uba ngangamukele uMoya oNgewelete, lumfo wakwenza, futhi ngathi, “Hatshi, mnumzana, hatshi ngendlela eLiwuthole ngayo.”

Wathi, “Wake wakhulumu ngendimi yini?”

Ngathi, “Hatshi, mnumzana.”

Wathi, “Khona-ke awukabi Lawo.”

³³⁹ Ngakho ngathi, “Mhlawumbe uqondile, mfowethu. Mhlawumbe kangikabi lawo, ngoba kangilakho lokho olakho.” Futhi emva kwesikhathshana, ngathokoza ngangingelakho.

³⁴⁰ Ngakho khona-ke ngakhangela lokho, futhi ngabona indlela lokho okwakuuhamba ngayo.

³⁴¹ Ngakho, ngolunye usuku, ngangiphandle lapha ngikhuleka, isikhathi eside esedluleyo. Ngizalitshela ukuthi ngani, ukuthi ngubani engangimkhulekela, kwakunguRoy Davis. Futhi ngangiphandle lapha ngikhuleka, ngoba wayengibize “udoli,” futhi ngangikhulekela uNkulunkulu ukuthi amthethelele ngakho. Futhi wayelomtshina wokudinda emuva-le, wabhala iphepha. Futhi lowomtshina wokudinda walumatha umlilo futhi watsha, ubusuku obuthile emva kwalokho, lapho bewusebenzisa.

³⁴² Futhi-ke ngangimile emuva-le obhalwini oludala ngemuva kwesiGay Green. Ngaphuma phandle lapho. Futhi ngangikhuleka, ngangisemuva-le, insuku ezimbili. Ngabeka iBhayibhili lami phansi ogodweni oludala, lapho, engatshengisa khona uMfowethu Wood, kungasikude, ngabeka iBhayibhili lami phansi. Ngahlala ngixamalazele ugodo. Futhi umoya wavunguza. Ngacabanga, “Besekukude kakhulu, phakathi kulolobhalu, ngangibale nje kancinyane.” Ngakho ngathathha iBhayibhili futhi ngaqalisa ukubala, futhi lesi kwakuyisahluko esasikilo. Awu, ngaqala ukubala, futhi ngaqala ukumangala khona-ke. Bona?

*Ngoba akulakwenzeka kulabo asebake
bakhanyiswa,...benziwa abahlanganyeli bakaMoya
oNgewelete,*

*...banambitha ilizwi elihle likaNkulunkulu, futhi...
ilizwe elizayo,*

*Uba bezakuhlamuka, ukuzivuselela ngokwabo...
ekuphendukeni; sibona ukuthi bayazibethelela
ngokwabo iNdodana kaNkulunkulu kakutsha, futhi
beyithela ihlazo obala.*

³⁴³ Ngacabanga, “Kulalowo Mbhalo.” Kodwa enye into yalenga lami. Khona-ke ngaqala ukucabanga, “Nanku lapha akhuluma khona emuva lapha, ekuqaleni, ‘Singabeki isisekelo esifileyo

sokuphenduka, ekuqaleni. Singabeki isisekelo sokuphenduka,’ futhi lapha uthi, ‘Bezivuselela ngokwabo ekuphendukeni. Kodwa kasiyeni ekupheleleni, sibeka lezizinto emuva.’” Khonake ngasengiqala ukubala. Khona-ke ngasengibala indima elandelayo.

Ngoba umhlabathi unatha izulu elihlezi lisina phezu kwawo, futhi ubusumilisa imibhida ebasizayo labo olinywa yibo, wemukela izibusiso ezivela kuNkulunkulu:

Kodwa lowo oveza ameva lokhula oluuhlabayo uyaliwa, futhi useduze lokuqalekiswa; okuphela kwawo kusekutshisweni.

³⁴⁴ Futhi lapho ngibala lokho, Enye into yanginyikinya nje. Futhi ngacabanga, “Nkosi, lokho kakulani loRoy Davis. Kungani Usenza lokho?”

³⁴⁵ Ngaqala, ukuvula elinye ikhasi. Ngenza okokubuyela Kilo, njalo, “Akulakwenzeka kulabo asebake bakhanyiswa,” ngaLiphinda njalo.

³⁴⁶ Khona-ke ngacabanga, “Nkosi, kuyini lokhu? Utsho Ukuthini, Nkosi?”

³⁴⁷ Futhi ngaphenduka futhi ngaya obhalwini lwami, ukuyakukhuleka Ngakho. Futhi ngikwenza, ngabona umhlaba utshibilika. Futhi wawulinyiwe wonke, kakuhle sibili, umhlaba wonke. Futhi ngabona indoda igqoke okumhlophe, ihamba hamba, waye lesikhwama esandleni sakhe. Wayehlanyela inhlanyelo lapho ebhoda. Wahamba ebhoda ukugungubala komhlaba. Futhi khonapho esebehodile, nanko lapho kusiza umfo ogqoke iziqqoko ezimnyama sibili, umfo owayekhangeleka ekhohlisa, enyonyoba lapho njenga *lokhu*, ekhangele. Futhi wayelenhlanyelo. Futhi wayephosela enye into ngemuva kwakho, lapho ebhoda umhlaba; ekhangele umuntu wonke futhi ephosa. Ngama futhi ngakhangela umbono.

³⁴⁸ Emva kokuba esehambile, umhlaba wabhoda, futhi kwakulesikhulu, isilimo esikhulu, futhi sasingesengqoloyi. Futhi kwakulokhula, inzala lezinto engqoloyini.

³⁴⁹ Kweza ukuswelakala kwezulu. Futhi, o, leyo ngqoloyi encinyane yalengisa kanjani ikhanda layo, futhi yayomele amanzi. Inzala encinyane yayilekhanda layo lilenga, futhi yayomele amanzi. Wonke umuntu wayekhulekela izulu. Futhi emva kwesikhatshana, lapho kweza iyezi elikhulu futhi lathelezela umhlaba wonke. Futhi inzala encinyane yeqela phezulu, yaqala ukumemeza, “Dumo kuNkulunkulu! Haleluya! Dumisa iNkosi!”

³⁵⁰ Futhi ingqoloyi encinyane, yeqela phezulu, yaqala ukumemeza, “Dumo kuNkulunkulu! Dumisa iNkosi!”

³⁵¹ Futhi-ke uMbhalo weza kimi, lowo otholakala eBhukwini likaMathewu, isahluko 5 lendima 45. Futhi lalelani kulokho uJesu akutshoyo, kuMathewu 5:45. Futhi lalelisisani manje lapho sibala. Mathewu, isahluko 5 lendima 45, lo46; 44, ukuqalisa.

Kodwa ngithi kini, Thandani izitha zenu, libusise labo abaligalekisayo, futhi lenze okuhle kulabo abalizondayo, futhi libakhulekele abaliphatha kubi, labalizingelayo;

Ukuze lina linga...biza...lingaba ngabantwana bakaYihlo osezulwini: ngoba wenza ilanga lakhe liphume phezu...ababi futhi laphezu...okuhle, futhi athumele izulu phezu kwabalungileyo futhi... labangalunganga.

³⁵² Ngakho, uyabona, izulu elifanayo elenza ingqoloyi ikhule, liyenza inzala imile. Futhi, njalo-ke, ngilomfanekiso. Nango lapho ufakazi wakho wenyama, kunjalo ebandleni. Kodwa izithelo zakhe...Angamemeza, eseqa, edansa, akhulume ngendimi; kodwa izithelo zakhe: uyinzala. Futhi nango omunye, oloMoya ofanayo. UMoya oNgcwele ungehlela phakathi exukwini labantu, futhi umzenzisi engamemeza, ngoMoya oNgcwele, okufanayo nje njengezala ingaphila ngezulu elithunyelwego. Yikho lokho uPhawuli akhulumma ngakho lapha. Kodwa akulakwenzeka ngenzala ukuba yingqoloyi, kumbe ingqoloyi inzala. Liyakuthola? [Ibandla lithi, "Ameni."—Mhl.]

Ngoba akulakwenzeka kulabo asebake bakhanyiswa, futhi ba...bahlanganyela okwesipho sikaMoya oNgcwele,

Futhi...banambitha ilizwi elihle likaNkulunkulu, lamandla elizwe elizayo,

...ukuhlamuka, ukuthi babuye bazivuselele ngokwabo njalo...

Lalelani lokho akutshoyo.

...ngoba izulu...lina kokuphela emhlabeni, ukuwuthelezela lokuwugqokisa lapha, lokuwulungiselela;

Kodwa...lokho okunga meva lokhula oluhlabayo kuseduze lokwaliwa;...

Manje, njalo-ke sitshiya amandla lezimfundiso zikaKhristu, kasiyeni...ekupheleleni; singabeki njalo isisekelo sokuphenduka lemisebenzi efileyo... kuNkulunkulu, lohoko, lokunjalo,

...lezimfundiso zobhaphathizo,...ukubeka izandla, lezinto;...

³⁵³ Bona, ikholwa lenyama, emuva kulezo nsuku, njengoba kuyikho lamuhla, uthanda ukuthi, “Awu, ngingowebandla. Ngiphendukile. Nga—ngabuya, ngavuma. Ngabhaphathizwa.” Bona, babeka kulezo nguquko zenyama. Futhi kwenzani? Kuthela inzala.

³⁵⁴ Kwenzani ukuphelela? Kuyingqoloyi. Ingqoloyi yiLizwi likaNkulunkulu. Uyisebenzisa njengeLizwi Lakhe. YiNhlanyelo Yakhe. Iyathela.

³⁵⁵ Kuya ngokuthi yinhlanyelo bani ehlanyelwe enhliziyweni yakho. Nxa usiza ebandleni ngoba wesaba isihogo, nxa ujoyina ibandla ngoba kawufuni—kawufuni ukuya esihogweni, ulokhu usayinzala. Nxa u—nxa ujoyina ibandla nje ukuba ngodumileyo, lokhe usayinzala. Uba wenze zonke lezizinto ezipholileyo ezifanele zenziwe, futhi yikho konke olakho, lokhe usayinzala.

³⁵⁶ Kodwa oqotho, umKhristu woqobo ukhuthalela ekupheeleni kuze kuthi umhlabu ufe futhi ube yisidalwa esitsha kuKhristu Jesu. Khona-ke, akulakwenzeka kulowomuntu ukuba awe. Lokho iBhayibhili elakutshoyo! Bona ukuthi lokho kuqathaniseka kanjani loMbhalo wonke? Bona ukuthi kuKubeka njani khona phakathi lapho endaweni yakho?

³⁵⁷ KuNgatsho kanjani lapha, “Umuntu osowake wasindiswa kasoze alahleke” futhi libuye ngapha futhi lithi, “Kodwa, nxa ulahlekile, kumbe ukuhlambaza, akwenzeki”? Sibili, nxa ungmhambalazi, awusuye umKhristu.

³⁵⁸ “Akula muntu, ongakhulumu ngoMoya kaNkulunkulu, othi uJesu kaqalekiswe.” UJohane oNgcwele 4...kumbe uJohane wokuQala 4. Akula muntu okhulumu ngoMoya kaKhristu, othi uJesu “kaqalekiswe.” Umoya wonke, kaNkulunkulu, oseBandleni lesiKhristu, uvumelana lezinto zonke uNkulunkulu azitshoyo.

³⁵⁹ Sibala lapha, futhi sithi, “Walinyazelwa iziphambeko zethu. Ngemvimbanya Zakhe sisilisiwe.”

³⁶⁰ Inggondo endala yenyama ithi, “Insuku zezimanga sezadlula. Ngingu Dkt. Jones.” Bona? “Akulanto enjalo enjengo kusilisa kwaPhezulu. Akulanto enjalo njengenkolو oyizwa enhliziyweni. Lilixuku labalamadlabuzane nje. Lilamadlabuzane. Bona, yikho kuphela okukhona kukho. Akula lutho kukho. SingamaPresbyterian. SingamaLutheran,” kumbe loba yini okuyikho. “Siyakwazi lapho esimi khona.”

³⁶¹ Kodwa kuyini uMoya kaNkulunkulu okutshoyo? UJesu Khristu, ofanayo lapha! “Ameni,” kutsho uMoya kaNkulunkulu. Uyavumelana masinya leLizwi. Yebo, mnumzana. Ukhona lapho. Bona lokho engikutshoyo manje?

³⁶² “Lezi zinguquko zenyama zisebenza ukufa,” watsho uPhawuli.

³⁶³ Kodwa lapho iMpilo ekhana, lokhu kuphelela, “Lowo ozwayo aMazwi Ami, akholwe Kuye oNgithumileyo, uleMpilo engapheliyo, futhi akasoze abuye ekulahlweni, kodwa usedlule ekufeni waya ekuPhileni. Ngizamupha iMpilo engapheliyo, ngimvuse ensukwini zokucina. Konke uBaba aNginike khona kuzakuza Kimi, futhi kakula loyedwa wabo olahlekileyo.” Akungeke.

³⁶⁴ Ngakho, nanku lokho okukwenzayo—lokho okukwenzayo. Abantu bacabanga ukuthi lokho kwenza abantu bakhululeke. Mfowethu, awukhonzi uNkulunkulu phansi kokuhwaqa kwenyoka. UNkulunkulu kasomunye walaba abafo abalomchilo wenyoka emnyama, behamba bekutshayela. UnguBaba. UluThando. UNkulunkulu luThando. Futhi iBhayibhili lathi, kuJohane oNgcwele, “Lowo othandayo ungoka Nkulunkulu.”

³⁶⁵ Uyamthanda uNkulunkulu. Ngangingeke, nxa ngaphuma futhi—futhi ngidakwe lobubusuku. Angikaze nginathe, empilweni yami. Kodwa nxa ngaphuma futhi ngadakwa, bengingasoze ngesabe ukuthola ukutshaywa. Yiso isizatho nginga hambi—hambi, ngingahambi ukukuyenza. Isizatho ngingakwenzi, kungenxa yokuthi ngiyaMthanda. Uyangithanda. Kayisiyo misebenzi yomlayo. Akusiyonto okumele ngiyenze. Kungenxa yokuthi Usevele wangenzela enye into, futhi ngiyaMthanda ngakho. Nanko-ke.

³⁶⁶ Ngakho, lalowo Moya phakathi lapho, othenjisiveyo, “Ngiyamnika iMpilo engapheliyo, futhi abasoze babhubhe.” Ngabe Waqamba amanga kumbe Wakhulumia iQiniso? Wakhulumia iQiniso. Ngakho, liyabona ukuthi Lokhu kuchasiswa kanjani? Okungenzakaliyo ngumuntu ukuba awe emva kokuba eseke waba semuseni. Angeke. Angawa, qiniso, kodwa hatshi ukubuyela ekuphendukeni, ebuyele endaweni lokwenza imisebenzi emidala njalo futhi.

³⁶⁷ Ngakho lina lonke eligijima kweyinye imvuselelo lisiya kweyinye imvuselelo, enyinye indawo eyodwa futhi-ke leyinye, Aliboni na ukuthi aliqiniswanga, alixiliswanga? Manje, ngeqiniso, wena uthi, “Mfowethu Branham, kangikwazi loba...” ngeqiniso uNkulunkulu kasoze anginike inkonzo Angiphe yona, futhi angiyekelie ngibe sempambekweni. Futhi nxa kwakungafakazelwanga ngoMbhalo, khonake kwakuzakuba yimpambeko, kodwa *nanko* uMbhalo ukukusekela. IBandla kalikaze liphuthise indawo.

³⁶⁸ Abantu bayahamba, bajoyine ibandla, baxabane, balwe, bakhathazeke, la—layonke into, futhi nje baphile loba yiluphi uhlobo lwempilo yenyama, “O, yebo, ngingumKhristu.”

³⁶⁹ Ngizwe isivumo lamuhla ngekhosikazi elincinyane elangitshela ukuthi indoda yalo yayigijima lenye indoda. Ubabambile, indawo ngendawo. Futhi umfazi uthi, “Ngizakwenza ube kwazi, ‘NgingumKhristu.’” Um-hum.

³⁷⁰ Khangela ngapha kuJimmy Osborne, phandle lapha etshumayela ngeSonto ekuseni; le-boogie-woogie, irock-le-rolled lezinto zonke, iviki yonke.

³⁷¹ Khangela kuElvis Presley, uhlobo lukaJudas Iscariot luka1947, ujoyina iAssemblies of God, umPhentekhostali, ekhulumu ngendimi okoMoya oNgcwele, futhi wathumela imiphefumulo eminengi ekuhlukuluzweni ukwedlula wonke amabhawa ake aba khona eminyakeni yokucina engamatshumi amahlanu. Waphambukisa ingqondo zabantwana ontanga emhlabeni wonke, kuze kuthi amankazana amancinyane akhulule izembatho zabo zangaphakathi futhi baziphosele kupulatifomu, futhi ukuthi yena azisayne. Kuyihlamba kangako okokuthi kabamphumisi kuthelevizhini, kusukela okhalweni lwakhe kusehla, indlela umzimba wakhe. UMoya oNgcwele, ekhuluma ngendimi, okobufakazi? O, mfowethu, uba uMoya oNgcwele wawukhona, Wawungeke wenze njengalokho. Wazi ngcono kulalokho. Ngeqiniso hatshi. UNkulunkulu uthanda ukuhlanzeka lobumsulwa lobungewe.

³⁷² Angenzi ohlanzekileyo lomsulwa longcweli ukuzenza umKhristu. kodwa uKhristu, kimi, uphila lokho kimi. Futhi ngiyaMthanda. Futhi nxa ngingenza loba yini embi, kuyangicala. Khona lapho ngizakuthi, “Nkulunkulu, ngithethelele.” Nsuku zonke, kufanele ngicele ukuthethelelwa, nsuku zonke. Futhi lawe uyakwenza, futhi. Ngeqiniso, uyakwenza.

³⁷³ Kodwa manje nxa ungo—nxa ungowenyama, ulindela nje emuva, uthi, “Ah, awu, lokho kuhle, ngingowebandla.” Bona? Futhi-ke lapho uhlambaza, kulapho ungela Kholo olwake lwanikezwa kwabangcweli. Khona-ke wenza inhlekisa ngaLokho, futhi uKubize, “Umoya omubi.” Uthi, “Lelo lixuku labagiqiki abangcweli.” Khona-ke, uyazehlukanisa phakathi komusa lokwahlulelwa, khona-ke usuphelile kuze kube nininini.

³⁷⁴ UJesu wathi, “Ilizwi elilodwa elimelene Lawo, alisoze latethethelelwa kulumhlaba kumbe emhlabeni ozayo.” Futhi umKhristu, ozelwe ngoMoya, angeke akhulume okubi ngaLokho, ngoba akungeke. Kuvumelana Lakho. Kunjalo.

³⁷⁵ Yiso isizatho abantu bezama ukungitshela, leyo Nsika yoMlilo lapho, leyo ebonakala lapha kanye lathi, bayazama ukutsho, ukuthi, “Lowo kwakungudeveli,” lokho, “Kwakuyinganekwane nje,” konke lokhu. Kodwa ikhamera yafakaza ukuthi Kwakungesikho. Futhi imisebenzi ibekwe khona kanye eBhayibhilini, iNsika yoMlilo efanayo eyahlangana loPhawuli esendleleni yakhe esiya eDamaseko. Zonke lezi izinto Azenzayo emuva-le, uyazenza khona kanye ngendlela efanayo, ngeBhayibhili. NguKhristu, iNdodana kaNkulunkulu.

³⁷⁶ Futhi lapho sizalwa kutsha, sileMpilo engapheliyo, futhi asingeke sibhubhe. Kakulakwenzeka ukuthi umuntu awe. Yikho lokho iBhayibhili elakutshoyo.

³⁷⁷ Manje, lalelani, khangelani lokho uPhawuli akutshoyo. Ngizabala okunye kwakho, futhi ngibone nxo lokho kungazwakala kuhle, manje. Asiqhubekeni, okomzuzu nje. Indima 8.

Kodwa lokho okuthela ameva lokhula oluhabayo kuyaliwa, futhi kuseduze lokuqalekiswa; okuphela kwakho kusekutshisweni. (Lowo ngongakholwayo.)

³⁷⁸ Manje khangela uPhawuli. “Kodwa, bathandekayo, . . .” Manje ukhuluma ngalabo abazama ukubuyela phansi komthetho, liyazi, bezama ukwenza imisebenzi yomthetho, kukanti bona nje basemasikweni njengalokho abangaba yikho. Balemibaphathizo futhi lokubeka izandla, lazo zonke lezi izinto.

Kodwa, bathandekayo, siqiniseka ngani ezintweni ezingcono, . . .

Nanko-ke. Mlaleleni manje.

. . . lezinto ezihambelana losindiso, lanxa—lanxa lanxa ngalokhu sikhulumile.

Ngoba uNkulunkulu kayisuye ongalunganga ukukhohlwa imisebenzi yenu lemitshikatshika yenu yothando, leyo lina elalubonakalisa ebizweni lakhe, kulokho lasebenzela abangcwale lakhathesi lisabasebenzela.

³⁷⁹ Bona lokho akhuluma ngakho? Akakhulumi ngamaKhristu esiya, kakulakwenzeka ukuphenduka. Ukhuluma ngamakhulwa asenyameni abadlula esimweni senguquko. “Kodwa,” wathi, “kuwe owazalwa kutsha, wena ongumKhristu, othandekayo, siqiniseka ngani ngezinto ezingcono. Awukhulumi lezozinto. Kawuphili lolo hlobo lwempilo. Uvikelekile loKhristu.”

Wathini ngemuva lapha? Manje kasiyeni kumaHebheru 10, lapho ebekhona lokhu kusa, njalo. [Indawo engelalutho ethephini—Mhl.]

³⁸⁰ Manje asivuleni khona-ke, njalo, kwabaseEfesu 4:30. Futhi kasithatheni lokhu, okomzuzu nje, futhi sibone ukuthi lokhu kutshoni, ukusekela lokhu, ukwenza uMbhalo uhambe loMbhalo. AbaseEfesu 4, asiboneni. AbaseEfesu 4:30. Asibaleni futhi sibone lokho Elikutshoyo. Lalelani.

. . . lingamda bukisi uMoya oNgcwele kaNkulunkulu, . . .

Ukuthi—ukuthi sabhaphathizwa kanjani eMzimbeni? UMoya munye.

*...lingamdapukisi uMoya oNgcwele kaNkulunkulu,
elabekwa uphawu ngaye kuze kube lusuku lokuhlengwa
kwenu.*

Kunjalo na? Ubekwe uphawu eMzimbeni kaKhristu, ngobhaphathizo lukaMoya oNgcwele, hatshi kusuka emvuselewani eyodwa kusiya kweyinye, kodwa kuze kube luSuku lokuhlengwa koMzimba. Yikho lokho oyikho. Ngakho, akulandlela kuwe yokuba ulahleke.

³⁸¹ Uyesaba. Futhi yiso isizatho ukwesaba, ukwesaba, kuhambisana lokuthandabuza.

Uthando luhambisana lohholo. Ngiyamthanda uBaba wami. AngiMesabi, ngoba ngiyaMthanda. Akasoze angilimaze. Uzangenzela okuhle. Nxa ngangiMesaba, futhi, “O, angazi ukuthi Uzakwenza, kumbe hatshi.” Bona?

³⁸² Kodwa nxa ngiMthanda, “Yebo, Baba, ngi—ngiyakuThanda. Futhi ngiyakwazi ukuthi UNGU—UNGU Baba wami, futhi Wena Uyangithanda, futhi kangesabi kodwa ukuthi Uzagcina iLizwi Lakho. Kuyisithembiso Sakho kimi.” Yiyo indlela uMoya kaNkulunkulu owenza ngawo.

³⁸³ “Kodwa, o, nxa ngenza *lokhu*, nxa ngenze *lokho*.” Bona, lapho iza eceleni lezomthetho, futhi. Ungaqali ukuya eceleni lezomthetho. Kuyaphikisa.

³⁸⁴ Icele eliqotho yilokho okufunayo. Sekuvele kungumsebenzi oqedewevo. UKhristu wafa, futhi isono sabulawa lapho Esifa. Futhi nxa uNkulunkulu wakumisela ngaphambili eMpilweni elaPhakade, “Konke uBaba aNginike khona, kuzakuza Kimi.” Nanko-ke, ngeke ulahleke. Uvikelekile kuze kube nininini. “Ngoba ngoMoya munye sonke sibhaphathizwe eMzimbeni munye, futhi ngomhlatshelo munye Uphelelisile kuze kube nininini.” Nanko-ke. Akula ngenye indlela yokuba thina silahleke. Kuqondile. Manje, kakukwenzi uwwe kahle?

³⁸⁵ Manje, ukwazi njani ukuthi ungumKhristu? Lapho umoya wakho ufakazelana loMoya Wakhe, lapho uthando lukaNkulunkulu lusenhliziweni yakho, lapho ulothando, intokozo, ukuthula, isineke, ukuthambeka, ukubekezelwa, ukulunga, ubumnene. Yikho lapho wena... Izithelo zikaMoya zilandela impilo yakho.

³⁸⁶ Hatshi ngoba ungadansa eMoyeni, o, kuze kube yilowumdumo wesimanje manje, uwukhalisa kupiyano, kulokhu okunengi kwalokhu lapha ukudansa eMoyeni. Zona izinto ziqondile. Kodwa bathatha into yonke nganeno kulelocele lomthetho, bona, futhi njalo-ke, batshiya uMoya kaNkulunkulu ngemuva.

³⁸⁷ Yiso isizatho, lapho uNkulunkulu eqala ukuZibonakalissa, bathi, “Umbhedo. Kasifuni lutho lokwenza ngaLokho.” Abamazi uNkulunkulu. Abakaze baKubone. Abangeke

baKuzwisise, ngoba kulempilo eyahlukileyo phakathi lapho. Akakwazi, inzala ayikwazi ukuthi kuyini lokho ingqoloyi ekwenzayo. Uyimpilo eyahlukileyo.

³⁸⁸ Yiyo indlela okuyiyo ngomKhristu, ekholweni lenyama, ovumayo, ophumayo futhi avume, “O, yebo, ngingumKhristu.” isigazu esikhulu emlonyeni wakhe, njenge nkabi yaseTexas egunyulwe impondo.

³⁸⁹ Umfazi ogqoke okabhudula bakhe, uthi, “O, yebo, ngililunga lebandla. Sibili, ngiyilo.” Izithelo zakho ziyafakaza ukuthi awusilutho kodwa owenyama. Kunjalo. Ngeqiniso, kunjalo. Kulento eyodwa evumela kulokho: lokho yikusilela kwengqondo kwabo kumbe umoya wenkanuko phezu kwakho. Kunjalo.

³⁹⁰ Nxa ufunu ukwenza njengomhlaba, iBhayibhili lathi, “Nxa uthanda umhlaba kumbe izinto zomhlaba, uthando lukaNkulunkulu alukho ngitsho lakuwe.” Ngakho nanko-ke.

³⁹¹ Manje, wena uthi, “O, iBhayibhili lathi, khona-ke kufanele ngenze lokho.” Hatshi, kayisikho. Hlala lapha kuze kuthi uKhristu enze enye into kuwe, leyo ekhupha lokho kuwe. Khona-ke uzelwe ngoMoya kaNkulunkulu. Hatshi lokho okwenzayo, yilokho Akwenzele khona. Uze uthole uthando lokuthi usudlulile ekufeni wangena ekuPhileni. Futhi-ke khangela impilo yakho, nxa i—nxa ihambelana. Hatshi ngoba uzama ukwenza impilo yakho, kodwa ngoba uNkulunkulu ukuletha ekubeni ngaphansi koMoya Wakhe. Akusuwe ozikhokhelelayo endleleni kaNkulunkulu. NguNkulunkulu ekukhokhelela endleleni Yakhe uQobo. Hatshi wena usenza ukukhokhela, kodwa uNkulunkulu esenza ukukhokhela.

³⁹² Manje khangelani lokhu, manje, lapho nje sisehla phansi sesizafika ekucineni. Indima 11.

Futhi siyafisa ukuthi ngulowo lalowo wenu akubonakalise lokhu kukhuthala ekuqinisekeni okupheleleyo kwethemba ekupheleni:

Ukuze lingabi ngabavilaphayo, kodwa abalandeli babo abathi ngokholo langokubekezelu badla ilifa lezithembiso.

³⁹³ Manje, esinye nje isitsho esisodwa lapha.

Ngoba lapho uNkulunkulu ethembisa kuAbrahama, ngoba wayengelaye omkhulu kulaye ayengafunga ngaye, wazifunga uqobo,

Esithi, Isibili ngizakubusisa lokukubusisa, lokukwandisa, ngizakwandisa.

³⁹⁴ Lapho uNkulunkulu ehlangana loAbrahama! Manje, uAbrahama wemukela isivumelwano, engafanelanga ngitsho. Isivumelwano senziwa loAbrahama. Kungumusa impela, ngakonke. UAbrahama wayengasuye muntu ongcono. Wayengasuye umuntu wobungcwele. Waye ngumuntu nje

ojwayelekileyo. Futhi uNkulunkulu, ngokhetho, wakhetha uAbrahama ngoba uNkulunkulu wamkhetha; hatshi ngoba uAbrahama wayekufuna, ngoba uAbrahama wenza *lokhu*, ngoba wayengumuntu olungileyo, ngoba elokufanela. Kodwa kwakuyikuhetha kukaNkulunkulu. UNkulunkulu wathatha uAbrahama.

³⁹⁵ Lamuhla, njengoba ngitshilo, ngiyakhholwa, “Siyakhetha abatshumayeli bethu.” Siyahamba hamba, sithi, “Awu, omunye wamadikhoni utshiyile. Kasifumaneni umuntu ongecono kulabo bonke esakhiweni ukuthatha indawo yakhe. Awu, umalusi utshiyile; kasifumaneni, sithole ongcono kulabo bonke.” Kwezinye izikhathi lokho akulunganga.

³⁹⁶ Lapho bekhetha indoda ukuthatha indawo kaJudasi, bathola indoda engayisiyo. Bathola indoda ethambileyo, uMathiyasi, umbhali omkhulu, umfundsi, inxusa. Bathi, “Uzathatha nje indawo eyiyo sibili. Mfana, ukhangeleka njengendoda sibili.” Kodwa kwakungayisilo khetho lukaNkulunkulu. Futhi wathatha lindoda, futhi akazange enzele uNkulunkulu ulutho.

³⁹⁷ Kodwa uNkulunkulu wathatha ukhetho lomncinyane, ololaka oluphezulu, umJuda olamakhala azingwengwe owabuya phansi lapho lobuso bakhe bonke, “Ngizakwehla phansi. Ngizababopha.”

³⁹⁸ UNkulunkulu wathi, “Ngibona enye into kuye. Ngizamsebenzisa.”

³⁹⁹ Futhi uNkulunkulu wabonakala phambi kwakhe kulokho kuKhanya okukhulu lapho. Futhi wathi, “UNgubani, Nkosi?”

⁴⁰⁰ Wathi, “Ngingu Jesu. Ngani, kunzima kuwe ukukhahlela izincijo. Kungani uNgihlukuluza?” Kanjalo, futhi uNkulunkulu wathatha *leyo* ndoda futhi wamenza waba ngomunye wamadoda amakhulu owake watshaya ubuso bomhlaba kusukela kuJesu Khristu. Lolo kwakulukhetho lukaNkulunkulu.

⁴⁰¹ Lamuhla, sizama ukwenza ukhetho. Lina mabandla, liyathumela lindoda lapha, *laleyo* ndoda lapha. Kakufanelanga kwensiwe ngaleyondlela. UNkulunkulu wenza ukukhokhela. KunguNkulunkulu kukho konke, ngakonke, ngaphezu konke; hatshi lokho okwezinye incwadi zelinye ibandla. Yilokho uNkulunkulu akutshoyo ngakho, lokho okwenza umehluko.

⁴⁰² Nanzeela. UNkulunkulu wenza isithembiso kuAbrahama, kungela simiso. Futhi manje, mana, uAbrahama kazange enze okokwenza into eyodwa. UNkulunkulu wathi, “Sengivele ngakwenza.”

⁴⁰³ UNkulunkulu wenza isithembiso kuAdamu, wathi, “Adamu, nxa ungasoze uthinthe *lokhu*, uzaphila kuze kube nininini. Kodwa ngosuku usidla kuwo, lolosuku uzakufa.”

⁴⁰⁴ UAdamu wathi, “Ngiyamangala nje ukuthi kumayelana ngani, kungenani?” Uyahamba khonale futhi akudle, wawuphazamisa.

⁴⁰⁵ Sonke isikhathi lapho uNkulunkulu esenza... umuntu wenza isivumelwano sakhe loNkulunkulu, kumbe uNkulunkulu lomuntu, umuntu wephula ingxenye yakhe. Ngakho uNkulunkulu wayemele enze olunye ulutho, ngoba Wabona lokho umuntu ayeyiyikho. Futhi babemiselwe ngaphambili, babe khethiwe, futhi uNkulunkulu kwakumele enze olunye ulutho. Ngakho uNkulunkulu wehla phansi futhi wenza isivumelwano Sakhe loAbrahama, kungelasimiso. Nxa kwakungasoze kube lesimiso, uAbrahama wayelahlekile, isikhathi eside.

⁴⁰⁶ Umkhangele ehlezi phansi lapho eGerar, ehlehlele emuva, ekhuluma amanga. Futhi wanikeza umkakhe kwenye indoda, ukusindisa isikhumba sakhe. Indoda bani! Ehlezi phandle lapho, futhi ehlehlele muva. UNkulunkulu wamtshela, wathi, “Ungasuki phezulu lapha. Hlala phezulu lapha” Indlala yamphumisa. Wazulazula phansi lapho okwakuhambe kaalula. Liyazi ukuthi kwenzakalani kumfo lapho ethatha indlela elula.

⁴⁰⁷ Wazula zula phandle, phansi lapho lapho utshani olwaluluhlaza khona ukwedlula kwezinye indawo. Futhi lapho esefike phansi lapho, watshela inkosi leyo ukuthi umkakhe wayengudadewabo, ukusindisa isikhumba sakhe. Manje, lawo ayengamanga. Futhi loba yiphi indoda, engathatha umkayo futhi amnikeze kwenye indoda, ukuba asindise isikhumba sakhe! Nango elapho, ehlezi phandle lapho ethenteni elincinyane, umhlehleli muva, ekhuluma amanga, futhi waqhubeleka phandle kweyakhe... equnywe ngakonke esithembisweni lakho konke, kodwa waye lokhu engumprofethi kaNkulunkulu.

⁴⁰⁸ Futhi nango uAblimeleki, wayengenhle, indoda yobungcwele. Qiniso, watsho imikhuleko yakhe ubusuku bonke. Wathola lugogo, oweminyaka elikhulu ubudala, wehla phansi lapho, emuhle futhi emutsha njalo. Wathi, “Yiyo inkazana ebengiyilindele, ngakho ngizakumtshada.”

⁴⁰⁹ UAbrahama wathi, “Ungaba laye. Ungudadewethu.”

Yena, “Lowo ngumfowethu.”

⁴¹⁰ Ngakho wamthatha wamus a lapho futhi wenza abafazi bamgeza futhi—futhi agqoke iziqqoko ezinhle, futhi bamlungisa njenge—njengenkosazana. Futhi watsho imikhuleko yakhe, wacambalala embhedeni, futhi waphakamisela inyawo zakhe phezulu, futhi wathi, “Kusasa, ngizathatha leyo nkazana enhle yesiHebheru, lowo—lowo dade walumfana phandle-le. O, kuzamangalisa. O Nkosi, Uyakwazi ukuthi ngikuThanda okunganani! Yebo, mnumzana. Kuyamangalisa!”

⁴¹¹ Futhi uNkulunkulu wathi, “Ufanana lomuntu ofileyo.” Uh-huh!

⁴¹² [UMfowethu Branham uyakhwehlela—Mhl.] (Lingixolele.) Abra... Ngani, uAbrahama wayehlezi khona lapho, eqamba amanga, ehlehlele muva. Futhi lapha kwaku lalindoda, ethembekileyo futhi indoda eqondileyo. “Ngani,” wathi, “Nkosi, Uyabazi ubuqotho benhliziyo yami. Akazange angitshеле, ukuthi lowo kwakungu ‘dadewabo?’”

⁴¹³ Wathi, “Ngiyabazi ubuqotho benhliziyo yakho. Yiso isizatho ngikwenqabela ekuNgoneleni. Kunjalo. Ngiyabazi ubuqotho benhliziyo yakho. Kodwa umkakhe ngumprofethi Wami.” Haleluya! O, nxa lowo kungasiwo umusa, kuyini? “Ehlehlele muva, ekhulumha amanga, futhi ehlodzi phandle-le, kodwa lowo lokhe ngumprofethi Wami. Thatha umnikelo, futhi uhambe kuye, futhi ubuyisele umkakhe emuva, kungenjalo ungumuntu ofileyo. Kangisayi kuzwa imikhuleko yakho futhi. Mvumele akukhulekele.” Ameni. Nanko-ke. “Lowo ngumprofethi Wami.”

Manje, wena uthi, “O, ngifisa aluba nganginguAbrahama.”

⁴¹⁴ “Nxa sifile kuKhristu, siyiNzalo kaAbrahama, futhi siyizindalifa ngokwesithembiso.” Kunjalo. Yikho lokho iBhayibhili elakutshoyo. Lingathanda ukuKubala? Kungani, iBhayibhili latsho ukuthi—ukuthi isithembiso sasingekho kuphela kuAbrahama lezinzalo zakhe. Njengokuthi wena... UAbrahama wayelenzalo ezinengi, qiniso, abantwana abanengi. UIshmayeli wayengumtanakhe. Wayelabantwana abayisikhombisa kumbe abayisificaminwembili emva uSara esefile, ngomunye, uKhetura. Kodwa, khangela, inzalo kwakungethenisiweyo, okwakungu Isaka, futhi ngoIsaka kweza uKhristu, ngoKhristu kwabuya thina. Isithembiso asila simiso.

⁴¹⁵ Manje, sithini ngoAbrahama? Ngani, wayeMele engasekho, kwakungasoze kwenzakale kuye ukuba abuyelete njalo. Qiniso. Kwakungasoze kwenzakale kuSawuli ukuthi abuyelete njalo, nxa lokho, kumele ubale uMbhalo ngaleyelo ndlela. Bona? Kodwa kwakungayisikho. Isithembiso sikaNkulunkulu sihlala kuze kuge nininini.

⁴¹⁶ Kasibaleni lapha okomzuzu nje. Ngifuna ukuthi liKubale. Ngifuna ukuthi lithathe abaseGalathiya 3:16, futhi libale lokhu, futhi libone manje lokho isithembiso esiyikho, futhi libone ukuthi nxa—nxa siyisithembiso Sakhe kumbe hatshi, 3:16. Lalelani lapha. Kulungile. Ngizabala indima 15, futhi.

Bazalwane, ngikhulumisa okwabantu; Loba kuyisivumelwano somuntu, kanti uba siqinisiwe, akulamuntu osichithayo, kumbe ongezelelayo kuso.

Manje kuAbrahama lakunzalo yakhe (Nzalo, n-z-a-l-o.), kunzalo yakhe isithembiso senziwa.

“KuAbrahama leNzalo yakhe.” Manje khangela.

Katsho ukuthi, Futhi lakunzalo zakhe (ubunengi), sengathi zinengi; kodwa sengathi...ngeyodwa, Futhi lakunzalo yakho enguKhristu.

⁴¹⁷ Khona-ke, uKhristu wayeyiNzalo kaAbrahama. “Futhi thina sifile kuKhristu, futhi sabhaphathizwa eMzimbeni Wakhe, siyiNzalo kaAbrahama, lezindlalifa zesithembiso.” Khona-ke kunjani, uzakuwa kanjani, uba uNkulunkulu wenza isithembiso kuwe? Uzakuhlehlela emuva kanjani, futhi usuke uhambe, futhi uye esihogweni ngakho?

⁴¹⁸ Manje, wena uthi, “Awu, asingeke sihlehlele muva na?” Impela. Futhi lapho uhlehlela emuva, uzakuthola, ungakhathazeki. UAbrahama wakuthola, futhi abanye babo bonke bakuthola, futhi uzakuthola. Ungacabangi ukuthi kukukunika ilungelo lokwenza isono. Akukwenzi. Uzakubhadalela izinto zonke ozenzayo. Uzakuvuna lokho okuhlanyelayo. Wenza isono esincane esisodwa futhi uzavuna inditshi yokuwatshela egcweleyo. Kunjalo. Kodwa, mfowethu, lokho akutsho ukuthi ulahlekile. Kunjalo sibili. UAbrahama wavuna khona kanye sibili akuhlanyelayo. Kunjalo. Kodwa wayelokhe sindisiwe.

⁴¹⁹ Isivumelwano uNkulunkulu asenza loIsrayeli: balahkelwa yilifa labo, balahkelwa yilizwe elithenjisiveyo futhi baya phansi eGibhithe, kodwa babengalahkelwanga yisivumelwano sabo. UNkulunkulu wathi, “Ngiyakhumbula isithembiso Sami kuAbrahama. Ngiyakhumbula, futhi Ngizile ukukhulula abantu Bami. Yana phansi lapho, Mose, futhi utshele uFaro, Ngithe, ‘Yeka abantu Bami bahambe.’ Ngiyakhumbula Ngenza isithembiso kuAbrahama lasenzalweni yakhe.”

⁴²⁰ Kuyinto efanayo ngathi. Ngakho nxa ufile, futhi impilo yakho ifihliwe kuNkulunkulu, ngoKhristu, kakula lutho emhlabeni olungakuthinta. Manje, ungaahamba futhi wenze okubi, kodwa nxa sibili, ngeqiniso, ungumntwana kaNkulunkulu, futhi ubone ukuthi wenze iphutha, uzavuka futhi uzame njalo. Kunjalo, futhi awusoze uhlale lapho.

⁴²¹ Kodwa nxa uligwala, nxa uyinzala, nxa kungela “phakama” kuwe, uzakuthi, “Ah, awu, kwakungela lutho Kukho, kungenani.”

⁴²² UMbuso kaNkulunkulu unje ngomuntu owathatha imbule futhi waya olwandle, waliphosela phakathi. Lapho esiza, wayelabofudu basemanzini, amaxoxo, inyoka, impankwa, izayobe, lenhlanzi. Yilo iVangeli lapho Litshunyayelwa.

⁴²³ NjengeNkosi ingatshela umtshumayeli, njengo Mfowethu Graham, “Yenyuka lapha. Yana kuleli khona futhi ugole inhlanzi okwesikhhatshana esincinyane, Mfowethu Graham.” Kulungile, uthatha imbule lakhe futhi ahambe lapho futhi aqalise ukugola inhlanzi.

“Uyangaphi, Mfowethu Bill?”

“Ngiyaphuma ngiya kwenye indawo, futhi ngiphosele *kuleli khona*.”

⁴²⁴ Ngiyadonsa, “Nampo lapho, Nkosi, Uyazi lokho abayikho.” Ngidonse imbule njalo, “Kulungile, nampa lapha, Nkosi.”

⁴²⁵ Manje, ufulu lwamanzi lwalulufudu lwamanzi, kwasekuqaleni. Ubanjiwe nje embulenzi. Kunjalo. Futhi yiyo indlela abantu ababanjwa ngayo emadlabuzaneni, “O, haleluya! Haleluya! Dumisa iNkosi! Dumo kuNkulunkulu! Haleluya!” Babanjwe embulweni nje, yikho kuphela.

⁴²⁶ Nxa lowo moya omdala wofudu lwasemanzini ukubo, akuyi kuba kude, bathi, “Awu, ngiyakutshela, . . .” Nangu ehamba, enyenyela ngemuva.

⁴²⁷ Futhi ikhosikazi elidala iCrawfish lizakuthi, “Kodwa angeke ngikuzwisise Lokho nje.” Bona?

⁴²⁸ UNkosazana Sayobe wahlala lapho okwesikhathshana, wahamba, “plop, plop, plop,” ebuyele muva, “Awu, kwakungela lutho Kukho, kungenani.”

⁴²⁹ UNkosazana Nyoka uzakuthi, “O, balixuku labagiqiki abangewe. Yikho kuphela okukhona Kukho. Ngizakwehla phansi laphoabalengqondo ezingcono kulalokho.” Ngani, uyinyoka, kwasekuqaleni. Imbule leVangeli likubambile nje, yikho kuphela.

⁴³⁰ Kodwa inhlanzi iyahanjiswa etafuleni leNkosi. Waye yihlanzi, kwasekuqaleni. INhlanyelo yakhe yayiyinhlanzi. Waqala, eyinhlanzi, futhi uNkulunkulu wayesazi inhlanzi Zakhe kusukela ekusekelweni komhlaba. Haleluya!

⁴³¹ Khumbulani, bonke baphefumula amanzi alodaka afanayo phandle lapho. Bonke baphefumula esifudlaneni esifanayo. Kunjalo. “Sonke senziwa . . . sanatha eDwaleni likamoya elifanayo. Bonke badla imana enkangala.” UKhalebi loJoshuwa badla imana efanayo leyo—leyo abanye babo abayidlayo. Futhi bonke bawela enkangala. Kodwa kwakulababili abakhethiweyo ukuthi bachaphe, futhi bachapha. Kunjalo.

⁴³² “Sonke senziwa ukuba sinathe okoMthombo ofanayo.” Kodwa akusibo bonke abanathayo abasindisiweyo. Sonke senziwe ukuba simemeze ndawonye. Sonke senziwe ukuthokoza ndawonye. Kodwa abaKhethiweyo basindisiwe. Linanzelele na? Kwathi, “Imimoya emibili, ensukwini zokucina, izakuba seduze kakhulu kuze kukhohlise abangabaKhethiweyo nxa kusenzeka,” *nxa kusenzeka*. Bona? Yiwo uMoya oqotho kaNkulunkulu, bakhethelwe eMpilweni elaPhakade.

⁴³³ Manje sesivala. Khona-ke uMfowethu Neville uzathathela lapho engitshiya khona lapha. Kulungile.

Lalokhu Ngithi, ukuthi isivumelwano, esaqiniswa nguNkulunkulu kuKhristu ngaphambili, umthetho, okwaku ngumnyaka amakhulu amane, emva

*kweminyaka engamakhulu amane lamatshumi
amatathathu, kawusichithi, usenze isithembiso sibe yize.*

Leso yisithembiso uNkulunkulu asipha uAbrahama, ngaphambi kokuba umthetho ubekhona.

*Ngoba uba i—ngoba uba ilifa lingelomthetho, alisekho
ngesithembiso futhi: kodwa uNkulunkulu walinika
uAbrahama ngesithembiso.*

Hatshi ngolutho olwenzayo, hatshi ngayiphi imithetho, loba yiphi imithetho yebandla lakho, ngokujoyina ibandla, kumbe loba wuphi omunye umthetho. Impela kuyikwenza komusa kaNkulunkulu, kuwe. Nanko-ke.

⁴³⁴ Khangelani.

*Pho, umthetho uyini? Wengezwa ngenxa
yeziphambeko, kuze kufike inzalo eyanikwa
isithembiso; . . .*

Kakusobala lokho yini njengamakhala ebusweni bami? “Kwengezelwa, ukukhonza kwaze kwathi iNzalo yafika, eyayinguKhristu, kuLowo owenzelwa isithembiso.”

*. . . futhi kwamiswa ngezingilosи lasezandleni
zomlamuli.*

*Manje umlamuli kayisuye umlamuli woyedwa, kodwa
uNkulunkulu munye.*

⁴³⁵ Manje, ngitshiyela khonalapha, kuqalela khona lapho ngisenzela uMfowethu Neville, okwangoLwesithathu lolu oluzayo.

⁴³⁶ Manje liyazwisisa lokho esikukhulumileyo? [Ibandla lithi, “Ameni.”—Mhl.] Ukuthi akulakwenzeka sibili umKhristu ozelwe kutsha ukuthi . . . angitsho, manje, uyazibiza, “ozelwe kutsha.” Ngitsho, oweqiniso, umKhristu ozelwe kutsha, ukuthi awe emuseni, angeke akwenze. Engawa, kunjalo, kodwa kangeke, ngitsho, aphume kulowo musa.

UAbrahama wawa emuseni. Qiniso, wawa. UNkulunkulu wamtshela ukuthi “ahlale khonapho.” Waphuma phakathi kwavo, kodwa akazange alahlekkelwe yisivumelwano sakhe. Wayelokhu engokhethiweyo kaNkulunkulu. Wayengumprefethi ehlezi lapho. Wayehlezi enguye. Uzahlala engokaNkulunkulu.

⁴³⁷ Manje nanzelela. IBhayibhili latsho, ukuthi, “Wonke uIsrayeli uzakusindiswa.” Bangaki abakwaziyo lokho? IBhayibhili lathi, “Wonke uIsrayeli uzasindiswa.” Manje, “UIsrayeli kasuye uIsrayeli ongowenyama, kodwa uIsrayeli kaMoya, ngoba izipho lokubizwa akula kuphenduka.” Yikho lokho iBhayibhili elakutshoyo, yona kanye indima elandelayo? AbaseGalathiya. Kulungile. “Wonke uIsrayeli uzakusindiswa. Bonke babo basindisiwe.” Siba nguIsrayeli kanjani? “Sifile

kuKhristu, sithatha iNzalo kaAbrahama, futhi siyizindlalifa ngokwesithembiso.”

⁴³⁸ UPhawuli wathi, “Lokho okungaphandle akusikho mJuda, kodwa lokho okungaphakathi, kungumJuda, aBathenjisiweyo.” Futhi siyiNzalo kaAbrahama, ngesithembiso, ngoKhristu, siMamukela njengoMsindisi wethu oqondane lathi.

⁴³⁹ O, ngithemba liyakubona. Ngithemba liyakubamba, nxa lingahlala Lakho okwesikhhatshana. Manje khona phakathi lapha siqedisa lokhu, khona-ke siyaqala kuMelkhizedeki, lokho okubuyisela kulokhu njalo. Siyaqala khona ngaku... O, Khona nje, into yonke iyamangalisa. Kodwa silokhe singena kulezozinto ezimqoka.

⁴⁴⁰ Manje, bona, nxa uthatha Lokhu *lapha*, kukhangeleka njengokuthi, nxa ungaKubala ngokubona nje, njengoZiquntathu owomileyo, okholwa oNkulunkulu abathathu, wangitshela ngesinye isikhathi, ukuthi, “uMathewu 3 wabonisa ukuthi kwakulabathathu, aBantu abathathu abehlukaneyo kubuNkulunkulu.”

⁴⁴¹ Ngathi, “Kumele ngikubone.”

⁴⁴² Wathi, “Khangel.” Ngimile khona kuleliphuluphithi, wathi, “Khangel lapha, uMathewu 3,” wathi, “Lapho uJesu ephuma khona kanye emanzini, khangel, amazulu avuleka Kuye, futhi Wabona uMoya kaNkulunkulu njenge juba. Futhi iLizwi livela eZulwini lisithi, “Leyi yiNdodana Yami ethandekayo, eNgithokoza Ngayo kakhulu.” Futhi kwakulabathathu: iNdodana okhunjini; uMoya oNgcwele phakathi; loBaba phezulu.”

Ngathi, “Mfowethu, uMbhalo kawubali *lokho*.”

“O, yebo Kuyakwenza!”

Ngathi, “Manje Kubale futhi, kufumane nxa kuKwenza.”

⁴⁴³ Manje, nanku umfanekiso wakhe. *Nangu* uNkulunkulu, iNdodana; *nango* uNkulunkulu, uBaba; *nangu* uNkulunkulu, uMoya oNgcwele, njengejuba. Manje khangel. IBhayibhili lathi, lapho uJesu ebhaphathizwa, “INdodana yaphuma khona kanye emanzini, khangel, amazulu phezu Kwakhe avuleka. Futhi iLizwi lisithi nge...” Wabona uMoya kaNkulunkulu, uMoya kaNkulunkulu, njengejuba. Hatshi omunye uMuntu phezulu *lapho*, kodwa luMoya kaNkulunkulu wawuli Juba elali phezu Kwakhe, futhi iLizwi libuya, lisithi, “Le yiNdodana Yami eThandekayo, eNgithokoza ukuhlala Kuyo.” Manje bala uMathewu 3 futhi ubone nxa kungatsho lokho. Bona? Hatshi Abantu abathathu, ngitsho lakancane.

⁴⁴⁴ Futhi yiyo indlela...Lokhu akutsho ukuthi kakulakwenzeka emuntwini ukuthi abuyele, khona-ke, lapho ehlehlala muva. Akutsho lokho. Akutsho lokho. Kuthi,

“Kakulakwenzeka ukuthi umuntu abuyele ukuzivuselela, emva kokuba eseke wabakhonale.” Angeke akwenze.

⁴⁴⁵ IBhayibhili lathi, “Lowo ozelwe nguNkulunkulu, akenzi isono, ngoba angeke wone. Ngoba iNhlanjelo kaNkulunkulu ihlala kuye, futhi angeke awone.” Ngingabizwa njani isoni, lapho kulomhlatshele olele lapho ukuthatha indawo yami? Ngingafa njani, lapho ukufa sengikuhlawulelwe? Ngingafa njani, lapho ngileMpilo elaPhakade? Ngingakwenza njani? Awungeke ukwenze.

⁴⁴⁶ Ngingaba lemvumo ebhaliwego njani evela kumeya walelidolobho, ukugijima amamatshumi lesithupha ngeholo ngidabula kulelidolobho, futhi noma nguphi umpholisa ongangibophela ukugijima amamatshumi ayisithupha ngeholo? Ungakwenza njani? Ngilemvumo esuka kumeya etsho ukuthi ngingakwenza. Angeke angibophe. Ukubopha kwakhe—kwakhe, engavuthela impembe lezinye zonke izinto, futhi ngingakunaki. Akutsho lutho; ngilemvumo.

⁴⁴⁷ Futhi nginga kwenza kanjani, khona-ke, njengoba emva uKhristu esengifele futhi ngiba yikulunga Kwakhe ngenxa yomusa Wakhe lothando kimi? Ngingona kanjani, lapho kulenye into ekhona ibekwe phakathi kwami loNkulunkulu, umhlatshele? Angeke ngone. Angeke ngikwenze. UNkulunkulu akangiboni ngitsho; Ubona uKhristu. Uma endaweni yami. Futhi lapho ngisenza loba yini okubi, uKhristu uthatha indawo yami. Ngenza isivumo sami, “Ngiphambanisile. Yena uqondile. Nkosi, Uyayazi inhliziyo yami. Uyakwazi loba ngiyakutsho kumbe hatshi. Futhi ngiphambanisile. Ngithethelle.” UNkulunkulu akakuboni ngitsho. IGazi likaJesu lingimbozile, sonke isikhathi. Khona-ke uNkulunkulu engangibona njani? Isono singa—singabalwa kanjani kimi, lapho Engeke akwenze? Khonapho nje ngikwenza, kuxolelwe. [UMfowethu Branham watshayanisa iminwe yakhe—Mhl.] Kunjalo.

⁴⁴⁸ Njengokuthatha i—isithontisi esincinyane njengalokhu, isithontisi selihlo esincinyane, futhi ulithathe kugcwele i-ink emnyama futhi ulibambe phezu kwenditshi yeblitshi, futhi ukuthontisele phakathi lapho, futhi-ke uzame ukulidinga njalo. Kuyabuyla kubeyiblitshi. i-ink ibayiblitshi. Futhi yikho lokho, izono zakho eziphepho, nxa ukuKhristu. Phakathi kwakho loNkulunkulu yinditshi yonke yeblitshi, futhi isono sakho siba yikulunga ngoba uMhlatshele olungileyo ukulindele lapho.

Lapho ngisiza emfuleni ekupheleni kosuku,
Futhi iziphepho zokucina zosizi sezivunguzile;
Kulomcabango owodwa ongithokozisayo futhi
 uyenze inhliziyo yami ithokoze,
Kangiyi kuchapha iJordan ngingedwa.

⁴⁴⁹ Leyo yinto enhle eyodwa. Leyo yinto enhle eyodwa. Kangiyi kulichapha. Ngezinye zalezi insuku, sizakwehla phansi ekucineni komgwaqo. Ilanga lizakwala ukukhanyisa, khona-ke uNkulunkulu uzabiza.

⁴⁵⁰ UAdamu uzafinyelela phezulu futhi anyikinye uEva, futhi athi, "Sithandwa, nanku kulapha. Sokuyisikhathi sokuvuka."

⁴⁵¹ UEva uzafinyelela futhi abambe uAbhela, athi, "Phuma, sithandwa. Sokuyisikhathi sokuvuka." UAbhela uzabamba uSethi. Futhi uSethi uzabamba uNowa. UNowa abambe... O, kusiya kusehla, kusiya kusehla kuAbrahama, futhi phansi lapho besiza. Kuzakuba lokunyikinyeka okukhulu lokuvuka lapho iNdodana kaNkulunkulu isiza. Sizakuma ngesimo Sakhe ngalolosuku.

⁴⁵² Manje, nxa ungenza isono lapha, uzakusibhadalela. Ngile...

⁴⁵³ Kulokhu kuqhubeka nje kusiza engqondweni yami, kumele nje ngikukhulume. Ngizamile ukukwenqabela, kane kumbe izikhathi ezikahlanu. Kumele ngikukhulume. Bangaki abakhumbula lumzalwane, umalusi, owayevame ukuba lapha echurch of God? UMfowethu, khona phezulu lapha, lalingubani ibizo lakhe? Wayesebenzela uVorgang phansi lapho. O, lina lonke... Ichurch of God yakuQala, khona lapha ekhoneni. Kumbe, wayevame ukuthengisa koRawleigh esikhathini so—sokuwa kwezomnotho. Olobunkulunkulu sibili, indoda engcwele. UMfowethu Smith wathatha indawo yakhe phezulu lapho. Ngizabiza ibizo lakhe ngemizuzu emilutshwana. Wayeyindoda esindiswe nguNkulunkulu.

⁴⁵⁴ Khumbula, nxa ungahambi esiqondisweni, futhi wenze enye into embi njengomKhristu, uNkulunkulu uzakuxwayisa. Futhike nxa ungathathi isixwayiso, Uzakususa nje emhlabeni. Yikho lokho Akwenzayo.

⁴⁵⁵ Liyakhumbula, eBhayibhilini? Khangela lelo bandla labaseKorinte. Wabatshela lokho ababeyikho, esikhundleni, kuKhristu. Kodwa wabaxwayisa ngalokho okwakuzakwenzakala. Futhi baziqondisa, baqondiswa, loNkulunkulu.

⁴⁵⁶ Futhi luMfowethu omcinyane, wayengumzalwane omcinyane omangalisayo, ngiyakholwa, indoda esindiswe nguNkulunkulu. Futhi wathola umsebenzi phansi lapha ko...koVorgang. Uba abanye babantu bakhe behlezi lapha, ngithemba alicabangi ukuthi ngi...Kangazi uba lihlezi lapha. Kodwa, uRamsey, uMfowethu Ramsey, bangaki abakhumbula uMfowethu Ramsey phezulu lapha eChurch of God? Qiniso, liyakhumbula, indoda encinyane emangalisayo. Futhi wayevame ukubuya endlini yami futhi sasikhulumma sonke, futhi sasihlala lapho futhi sikhale futhi sibambane izandla zomunye lamunye; umKhristu oqotho.

⁴⁵⁷ Ngolunye usuku ngangena kuyo phansi lapho, ngisanda kuvela nje ngaphetsheya kolwandle emhlanganweni, ngilemota yami ukukhangelwa, UMfowethu Ramsey wathi, “Ngingakwenzelani, Billy?”

⁴⁵⁸ Ngathi, “Ikhangele, Mfowethu Ramsey. Ntshintsha amafutha.”

⁴⁵⁹ “Kulungile,” wathi, “kulungile, kuhle.” Wathi, “Ulomhlangano omuhle?”

⁴⁶⁰ Ngathi, “O, Mfowethu Ramsey, ubumangalisa.” Ngathi, “Ngiyafisa ngabe ungahamba lami kwesinye isikhathi. Kungani ungahambi lami?”

Wathi, “Kangisakhonzi iNkosi njalo, Billy.”

Ngathalaza, ngathi, “Utheni?”

⁴⁶¹ Wangathi nje uthi, “AngisaMkhonzi futhi,” wasuka wahamba.

⁴⁶² Ngacobanga, “O, uyadlala nje.” Ngaqhubeka, ngahamba kwenye indawo.

⁴⁶³ Ngaphenduka futhi ngangena emoteni yami. Ngenyukela ngekhaya, futhi ngaqala ukucabanga ngalokho, “Kangisakhonzi iNkosi futhi.”

⁴⁶⁴ INkosi yakubeka enhliziyweni yami ukubuyela futhi ngimbuze njalo. Ngakho, ngathi, “Meda, sala ugcine umuzi.”

⁴⁶⁵ Futhi ngangena, futhi ngangena emoteni yami futhi ngabuyela phansi, ngama futhi, ngangena koVorgang. Ngathi, “Mfowethu Ramsey, ngifuna ukukubuza umbuzo.”

Wathi, “Kulungile, Billy, kuyini?”

Ngathi, “Uthe, isikhatshana esedlulileyo, kawusakhonzi iNkosi futhi. Ubungidlalisa nje, akunjalo na?”

Wathi, “Hatshi.”

Ngathi, “Mfowethu Ramsey, wena—wena kawukutsho lokho.”

Wathi, “Yebo.”

Ngathi, “AwuMthandi na?”

Wathi, “Nxa bengiMthanda, bengizaMkhonza, bengingeke na, Billy?” wasuka wahamba.

Ngacobanga. “Tshono, Mfowethu Ramsey!”

Wathi, “Kangisafuni ukukhuluma okunengi ngakho.”

⁴⁶⁶ Ngahamba ngekhaya, ngangena ekamelweni, ngavala umnyango. Futhi, o, uyazi ukuthi uzwa kanjani usindwa sibili, sengathi uthathele ingane amakukisi kumbe enye into, uyazi. Nga—ngacobanga, “Ini? Akungeke kube njalo. Ngeqiniso enye into yenzakele kumfowethu Ramsey.”

⁴⁶⁷ Futhi kulomfana omncinyane onsundu, othiwa nguJimmy, ubuya lapha ebandleni. Ulonyawo olulodwa, liyazi; uyaqhula, sengazathi. Ngiyahohlwa ibizo lakhe, usebenza phansi lapho koVorgang, ulendawo okudilizwa khona izimota. Wahlangana lami, futhi wathi, “Uyazi, Mhl. Branham,” wathi, “Angazi lutho ngalokhu lapha uDkt. Ramsey lapha.” Wathi, “Ngamtshela, ngolunye usuku, wathi, ‘Sonke sasisesaba ukuthi sivule umlomo wethu lapha.’ Wathi, ‘Wawuyindoda elobunkulunkulu.’ Kodwa,” wathi, “Wathatha isithupha sakhe sokutshumayela futhi wasesiya ebhasikitini futhi wasidabula iziqa, futhi waziphosela ebhasikitini, wathi, ‘Angifuni lutho lokwenza ngalokho futhi.’”

Wathi, “Yeyi, mnumzana!” Wathi, “Awufanelanga wenze lokho.”

Wathi, “O, Jim, sengiqedile ukukhonza iNkosi.”

Ngakho waseqhubeka, wathi, “Awutsho lokho.”

⁴⁶⁸ Futhi wathi, “Khona-ke wangitshela, wathi uyehla ukuzolola amavalufu akhe, ngoSuku lweziSebenzi,” ngiyakhohlwa kwakuyikho. “Futhi wathi, ‘Manje, ngifuna ukuthi ubuye ungisize, Jim.’”

⁴⁶⁹ Wathi, “Ngizakukusiza emva kokuba sengivela ebandleni, kodwa kuqala mina ngiya ebandleni.”

⁴⁷⁰ Wathi wabuyela emuva phansi, “Futhi uMnu. Ramsey wayelola amavalufu emoteni yakhe. Wathi, ‘Jimmy, yehlela phetsheya komfula. Amabhawa avaliwe lapha. Yehlela phetsheya komfula futhi ungitholele ikhesi yotshwala.’”

⁴⁷¹ Wathi, “Mnu. Ramsey, mina ngilecalala ngezinto ezinengi, kodwa kangisoze ngibe lecalala lokutholelainceku yeNkosi ikhesi yotshwala.” Wathi, “Hatshi, mnumzana. Kangisoze ngikwenze lokho.”

⁴⁷² Futhi wathi, “Awu, suka lapha. Lithenge, Jim.”

⁴⁷³ Wathi, “Mnu. Ramsey, ngizalola amavalufu akho. Kodwa nxa ungathenga utshwala, uzazithengela wena.” Wathi, “Kangiyi kuthengela inceku yeNkosi loba yimi okunjalo.”

⁴⁷⁴ Ngakho uRamsey weqela emoteni kaJimmy, waya ngaphetsheya komfula; waphenduka, ekhokhobele, lekhesi yotshwala, ebunatha.

⁴⁷⁵ Waqala ukwehla, futhi wagula. Bona? UNkulunkulu wayengelakukhuluma laye. Ngamxwayisa, ngenza konke engangingakwenza. UMfowethu Smith waya kuye futhi wamxwayisa. Wonke umuntu wazama ukwenza konke ababengamenzela khona. Kunjalo, wanyikinya ikhanda lakhe. Kuyini okwenzakalayo? Wagula futhi wafa. Lokho kwatshengisa ukuthi waye ngumuntu osindisiweyo. Nxa uNkulunkulu wayengeke amenze...amlethe ekulaleleni, Kuzamele amsuse emhlabeni futhi amlethe eKhaya. Yikho kanye lokho iBhayibhili

elakutshoyo. Yikho lokho iBhayibhili elikuthembisayo. Nxa ungasoze ukumele ukuqondiswa, kufanele ubuye eKhaya.

⁴⁷⁶ Ngakho uNkulunkulu angeke alahlekelwa nguwe ngemva kokuba Esekusindisile, kodwa Engafinyeza izinsuku zakho lapha, futhi akwenze ubhadelele isono sonke osenzileyo. Ngakho, nxa usona, kuzamele ubhadalele lokho okwenzileyo. Khumbula nje lokho.

⁴⁷⁷ Manje, manje iNkosi ibe lani. Ngiyakhholwa, kulobubusuku, ukuthi uMfowethu Ramsey wasindiswa. Ngempela, ngiyakukholwa. Kodwa wayengelakulalela uNkulunkulu, futhi lapho engelakulalela uNkulunkulu, uNkulunkulu wayemele amlethe eKhaya. Yiyo into kuphela yokwenza, ngoba, kwakuyini? "Wayezaletha isigcono lehlazo eGazini lelo ayengcweliswe ngalo." Kunjalo? "Futhi abale isivumelwano into engangcwele," nxa lokho kungesikho khona kanye lokho lincwadi yamaHebheru eyakutshoyo. Bona? Kwakungeke kwenzakale kuye ukuthi alahleke, kodwa wayezaletha ukuyangiswa lehlazo, ngakho uNkulunkulu wayezakumsusa emhlabeni futhi amlethe eKhaya. Yikho khona sibili okwathathini ndawo.

Manje makuthi iNkosi ibusise, lapho sikhothamisa amakhanda ethu okwesikhathshana ukuze sikhuleke.

⁴⁷⁸ Manje, Baba ongcwele khakhulu lolomusa, ngempela silokubonga Kuwe ngesithembiso esilaso, ukuthi Kawusoze usitshiye kumbe usifulathele. Wathembisa ukuthi Uzakuhamba lathi ngasempilweni, lasekufeni Uzakuba useduzane lathi. Wasithembisa ukuthi sasileMpilo elaPhakade. Wayinikeza kithi ngesihle. Asingeke silahlekelwe Yiyo. "Konke lokho okuza Kimi, kuleMpilo elaPhakade." Futhi nxa kuyiMpilo elaPhakade, Ayila siphetho, futhi Wathembisa ukusivusa ngosuku lokucina. Kulokhu silokubonga kakhulu. Silokubonga ukuthi iLizwi Lakho liyasifundisa lokhu. Liyasinika ithemba leqiniso. Lisenza sibe kwazi ukuthi uBaba wethu uluThando. Uyasisithanda, futhi Wasikhetha. Wathi, "Alingikhethanga Mina, kodwa Ngilikkhethile futhi ngalimisela." Futhi ngiyaKubonga, Baba, ukuthi Wena wenze njalo. Futhi abanengi bahlezi lapha, lobubusuku, futhi labo abamiselwe iMpilo elaPhakade, futhi sebemukele uJesu Khristu njengoMsindisi wabo oqondane labo. Futhi izithelo zikaMoya zilandela impilo zabo: ukuthambeka, ubumnene, ukuthobeka, uthando, intokozo, ukuthula, isineke, ukulunga. Silokubonga ngalabo.

⁴⁷⁹ Futhi siyakhuleka, Baba, ukuthi nxa kulabanye phakathi lapha, lobubusuku, abangela zithelo lezo ukubaphelekezelwa, kodwa baphumule phezu kokwedlulisa amalawulo, ngoba basetshensiwe, ngolunye usuku, ngoba babalamadlabuzane, bezwa kahle, bengabe bememezile, bengabe benze izinto ezinengi. Kodwa, Baba, nxa bengela sithelo sikaMoya,

leso esibagcina usuku ngosuku othandweni njalo njalo, bexolela izitha zabo, beqondisa izimpambeko zabo, futhi bephila ngokuthula futhi bethanda, futhi benhliziyonhle futhi belomusa komunye lomunye, lokutshisekela iBandla, uthando kuKhristu lwabantwana Bakhe, O Nkulunkulu olaPhakade, bathethelele. Lanxa bengamalunga ebandla, amalunga omzimba wasemhlabeni, mabahambe manje futhi babeke eceleni leyo misebenzi yenyama, efileyo, futhi baphikelele ekuphelelisweni. Siphe khona, Nkosi. Mababuye kuLowu Opheleleyo futhi baMamukele njengenhlawulo yabo yezeno zabo, ukuze Ame njengomhlatshelo opheleleyo okwendoda elecalala lomfazi olecalala. Futhi ubanikeze ngomusa Wakhe wothando lokuthula, baze bangene eBukhoneni bukaNkulunkulu ukuphila ninilanini. Siphe khona, Baba.

Lapho sikhothamise amakhanda ethu:

⁴⁸⁰ Nxa kukhona omunye onjalo ongathanda ukutshintshanisa impilo yenyama yezimiso, yemibhaphathizo, yamadlabuzane, yezinto ezincane zenyama njengalokho, okwenhliziyo eqotho egcwele ngothando sibili, ukuthi—ukuthi ungaya esitheni sakho esilolunya kakhulu, umsingathe futhi uthi, “Mfowethu, ngizakukhulekela. Ngiyakuthanda.” Nxa ungathanda ukutshintshanisa leso sehlakalo sezinto zenyama ngesehlakalo esiqotho sothando, ungaphakamisa isandla sakho kuNkulunkulu, futhi uthi, “Nkulunkulu, ngithathe lobubusuku, futhi ungenze lokho engifanele ngibe yikho?” Ngizalikhulekela, khona kuphuluphithi lapha. Ungafisa umkhuleko? Phakamisani izandla zenu.

⁴⁸¹ UNkulunkulu akubusise emuva-le, mnumzana. UNkulunkulu akubusise, mfowethu. Omunye futhi? UNkulunkulu akubusise, mnumzana. “Bengisebandleni okweminyaka.” UNkulunkulu akubusise, mnumzana. UNkulunkulu akubusise lapha, mfowethu. UNkulunkulu akubusise emuva-le, khosikazi elincinyane. “Ngizacela uNkulunkulu ukuthi angenze ngigewale ukuthula.” Liya... Ngabe uphuphuma sibili ulaka na? Ngabe ungekho kahle na? Uyathandabuza na? Uyatshukuma na? Kawazi loba kuyikho ngempela kumbe hatshi? Lapho usiza kuKhristu, ngabe usiza ngesiqiniseko esigcweleyo, inhliziyo egcwele uthando? Ngabe usiza Kuye ungela kwesaba okukodwa, usithi, “Ngiyazi UnguBaba wami”?

⁴⁸² Futhi akula ukulahlwa, usudlule ekufeni waya ekuPhileni. Uyakwazi. Futhi uyananzelela impilo yakho: uyathanda, uyaxolela, uthambile, ulokuthula, umnene. Zonke lezi izithelo zikaMoya ziphelekezelu impilo yakho, usuku ngosuku. Futhi khonapho usenza ulutho olubi, o, minabo, khonapho nje kusiza engqondweni yakho ukuthi wenze okubi, ngokuphangisa uyakulungisia, khona ngaleso sikhathi. Ungalindeli omunye umzuzu, hamba khona ngaleso sikhathi futhi ukulungisisse.

Nxa ungakwenzi, awu, kawulawo uMoya kaKhristu. Ungabe ungumfazi olungileyo, ungabe uyindoda elungileyo, ungabe ucatshangwa kahle ebandleni, ungabe ucatshangwa kahle esigabeni, kodwa uqhubekele na kulokho kuphelela, kuleyo ndawo lapho othembele ngokugcweleyo kuKhristu? Futhi ngalokhu, kukupha uphawu. “UAbrahama wakholwa uNkulunkulu, futhi kwabalelwa kuye ukuthi yikulunga. Khonake uNkulunkulu wamnika uphawu lokusoka, njengesiqiniseko.”

⁴⁸³ Manje wena uthi, “Ngiyakholwa uNkulunkulu. Ngenza isivumo.” Kodwa uNkulunkulu wakupha yini uphawu lukaMoya oNgcwele, emuva empilweni yakho, olothando, intokozo, izithelo zikaMoya, ukufakaza ukuthi usindisiwe? Nxa Engakakwenzi lokho, khona-ke Akakaluqapheli ukholo lwakho okwamanje. Wenze nje isivumo. Akakasamukeli, kulenye into engalunganga. Ungathanda ukuMamukela, khona-ke? Phakamisa isandla sakho, nxa ekhona omunye, singakakhuleki.

⁴⁸⁴ UNkulunkulu akubusise, khosikazi elincinyane. UNkulunkulu akubusise lawe emuva-le, futhi. UNkulunkulu akubusise. Kulungile. Omunye futhi, singakakhuleki? Kulungile. UNkulunkulu akubusise, emuva-le, dadewethu. UNkulunkulu akubusise, mfowethu. UNkulunkulu akubusise, mfowethu. UNkulunkulu akubusise, mfowethu. Kunjalo. Ezinye ezilitshumi, izandla ezilitshumi lanhlanu ziphakanyisiwe.

Manje kasikhulekeni.

⁴⁸⁵ Nkosi ebusisiweyo, esihlalweni sabo, bathola i-altare. Kusesihlalweni sabo, lapho abahlezi khona manje, ukuthi Ukhulume enhliziyweni zabo, ukuthi kaba “lunganga.” Kusezihlalweni zabo ukuthi Ubeke isifiso enhliziyweni yabo, ukuba ba “langazelela kakhulu ukuba njengoJesu.”

⁴⁸⁶ Bafuna impilo zabo ziguqulwe. Bafuna ukuba mnene lokuthobeka. Bafuna ukuthamba futhi begcwela ngokubekezelala. Bafuna ukuba lesineke, bebekezelelana. Bafuna ukufanana lomKhristu kangako, ukufanana loKhristu kangako, kuze kuthi umhlaba uthi, lapho besebla esitaladeni, “Leyo ndoda ingumKhristu sibili. Umfazi lowo ungumKhristu sibili. O, bathambeke kakhulu, abamnene kakhulu,abantu abanhлизионхе!”

⁴⁸⁷ Siphe khona, Nkosi, ukuthi bazakwamukela lesosehlakalo, lobubusuku. Futhi mabangaphumuli ekweneliseni kwebandla labo, phezu kokudlelana laliphi ibandla, loba yiphi inhlanganiso yesonto; kumbe loba phezu kwamadlabuzane abo, phezu kwanoma kuphi ukwedululisa amalawulo, okunjengamadlabuzane, into eyenzakalayo. mhlawumbe bamemeza, bakhuluma ngendimi, kumbe enye into.

⁴⁸⁸ O Nkulunkulu olaPhakade, mabangazami ukuthembala ukungena eZulwini kulokho, ngoba sikubonile izikhathi ezinengi kusehluleka ngokuhawulisayo. Futhi Wathi

kuzakwehluleka “Loba zindimi, zizakuphela! Lapho okulesiprofethi, sizanyamalala. Lapho okulolwazi khona, luzanyamalala. O, lapho zonke lezi izinto ezikhona, loba izipho, izimangaliso zokusilisa, ziyakuqedwa. Kuphela lolothando lobuNkulunkulu luzahlala.”

⁴⁸⁹ Nkulunkulu, dala lokho enhliziweni zabo, futhi mabazi ukuthi lowo nguMoya oveza izithelo. Kwenze nje manje, Nkosi, lapho silindela Kuwe, ngoba sikucela eBizweni likaJesu. Ameni.

⁴⁹⁰ [Indawo engelalutho ethephini—Mhl.] . . . amabhola omlilo ephapha, lokubona amajubathendele esiyamuva laphambili esakhiweni, ukubona uKhristu esiza lameva ezandleni Zakhe, futhi leZakhe. . . O, belikwazi ukuthi lokho yikuhlelwa komphikukhristu? Wathi, “Lapho izinto lezi ziqala ukugcwaliseka, khona-ke khangelani phezulu, ukuhlengwa kwenu kuyasondela.” Khona-ke yiso isizatho ngithanda ukucindezela umzuzu wonke engiwenelisayo ebandleni, futhi ngiliqinise. UMfowethu Neville angeke ahlala elathi. Ngiyakhola uMfowethu Neville ukuba ngomuhle, umfundisi weVangeli eliphilleyo. Asazi lokho okuzenza indlela yakho kuliphuluphithi, futhi, lapho kufika lapha, “Izimvu Zami ziyalazi iLizwi Lami.” Hlala lalelo Lizwi. Ungasuki kulelo Lizwi. Wena hlala khona kanye Lalo. Lime liqinile enkululekweni lapho uKhristu alikhulule khona. Lingabotshelwa kuwo wonke lawo majogwe obugqili lokunjalo. Mana liqine, futhi lime likhululekile. UNkulunkulu uzalibusissa. Asilalutho emhlabeni lokulwesaba.

⁴⁹¹ Lihlezi likhathazeka. Ngiyananzelela abantu besiza ukuzokhulekelwa, bayasondela bangene emzileni. Isikhathi esilandelayo bebona umkhankaso wosiliso, bayangena *kulumzila*, bangene *kulumzila*. Angibacali. Bazama ukuthola ukukhululeka, kodwa bahamba ngendlela engayisiyo. Wenza okuphambeneyo, lokho uNkulunkulu athi ungakwenzi. Bona? Lapho uhamba ngesibindi esiHlalweni somusa, futhi ukholwe, ukuthi, “Ucelile, uzakwamukela,” hlala kanye Lakho. Yiyo indlela okwenziwa ngayo; hatshi ukugijimagijima nje kweyinye imishini usiya kweyinye, usuka kwelinye ibandla usiya kwelinye ibandla, umkhankaso ngomkhankaso.

⁴⁹² Ngani, benza limkhankaso yosiliso njengexuku lombhedo. Ngeqiniso, bakwenzile. Sekufika endaweni lapho, abantu abakhaliphileyo, bayakhangela ngalapho futhi bayamangala ukuthi kumayelana ngani. Lapho, uNkulunkulu kafuni lezo zinto. Usiliso aludingi ukuba semkhankasweni. Usiliso kumele lube sebandleni lesigaba ngasinye, zonke lezi izipho zisebenza. Kodwa lingantunyi ngalezo zipho. Ungakhangeli isipho. Nxa uNkulunkulu efuna ukukusebenzisa okwenye into, Uzakwenza. Kodwa, khangelani uMuphi.

⁴⁹³ UMartin Luther, kanye ngemva kokukhuluma ngendimi,

wabuzwa ukuthi kungani engakutshumayeli, wathi, “Nxa ngingakutshumayela lokho, abantu bami bazalandela isipho esikhundleni soMuphi.” Kunjalo.

⁴⁹⁴ UMoody, ngesinye isikhathi, ekhuluma, futhi waqala, lapho etshumayela ngaphansi kokuphefumulelwa, wakhuluma ngendimi. Wathi, “Nkulunkulu, ngithethelile ngokuvungama amabala alobuwula.” Ngeqiniso. Bona? Futhi babelazo lezo zinto. Siyazikholwa lezozinto, kodwa kumele zibekwe endaweni yazo. futhi akumelanga kubekwe njengobufakazi.

⁴⁹⁵ Akulanto eyodwa eseleyo eBhayibhilini, njengo “bufakazi bukaMoya oNgcwele,” kuphela izithelo zikaMoya. Fumana loba iphi indawo uJesu atsho njalo. Yebo, mnumzana. Ubufakazi bukaMoya oNgcwele yisithelo soMoya wakho. UJesu watsho njalo, “Ngezithelo zabo lizakubazi.” “Futhi isithelo sikaMoya luthando, intokozo, ukuthula, isineke, ukulunga, ukuthula, ukuthambeka, ubumnene. Futhi isithelo sesitha yibutha, inzondano, umona, umbango, lokunjalo; yiso isithelo sesitha.” Ngakho, ungahlulela ngendlela ophila ngayo, lapho ome khona loNkulunkulu. Nxa inhliyo yakho yonke ithandana Laye, futhi uMthanda futhi uthambile, futhi uphila Laye nsuku zonke, uyazi udlulile ekufeni wangena ekuPhileni. Nxa kungenjalo, futhi ungenjalo, ulingisela nje umKhristu. Kunjalo. Okuyikuthi, konke ukulingisela kwenyama kuzavezwa obala. Siyakwazi lokho.

⁴⁹⁶ Ngakho, ungaphili lolohlobo lwempilo, awudingi ukwenze. Kungani usamukela into yokubeka esikhundleni, lapho amayezi wonke phezulu egcwele ngokuhle lokuqotho? Ngeqiniso. Mangithathethe uNkulunkulu, yikho lokho engikufunayo. Ameni.

⁴⁹⁷ Manje, ukhona obuye ukuzokhulekelwa? Uba ubuyile, phakamisa isandla sakho. Sibe lenkonzo yokusilisa lokhu kusa. Ngithemba khona-ke... Ikhosikazi leli lapha? Kulungile, dade, ungeza phambili khona-ke? Futhi umfowethu, ilunga elidala, lapha, angeza manje okogcobo. [Indawo engela lutho ethephini—Mhl.]

...khanya phezu kwami;
O, khanya phezu kwami, Nkosi, khanya phezu
kwami,
Makuthi ukuKhanya okuvela endlini
yokukhanya kukhanye kimi.

⁴⁹⁸ AKamangalisi na? Kasikhothamiseni amakhanda ethu, ngokuthula sibili manje. Futhi, *Khanya Phezu Kwami*, njalo. Manje, wozani manje, wonke umuntu, ukuthi, “Khanya...” Umkhonze nje Yena emphefumulweni wakho manje, bona, lithula. Inkonzo yosiliso iyabuya. Umbiko usuphelile. Asikhonzeni.

Makuthi ukuKhanya okuvela endlini
yokukhanya kukhanye phezu kwami;

O, khanya phezu kwami, Nkosi, khanya phezu kwami.

Makuthi ukuKhanya okuvela endlini yokukhanya kukhanye phezu kwami.

Ukuba nje njengoJesu, ukuba njengoJesu, (O!) Emhlabeni ngilangazelela ukuba njeNgaye; Kulolonke uhambo lwempilo kusuka emhlabeni kusiya eNkazimulweni, Ngicela kuphela ukuba njeNgaye.

Siza hamba ekuKhanyeni, ukukhanya okuhle kanje,

Kuza lapho amathonisi esihawu akhanya khona;

Ekhanya phansi kwethu, imini lobusuku, UJesu, ukuKhanya komhlaba.

Lonke lina bangwele bokuKhanya memezelani, UJesu, ukuKhanya komhlaba, Khona-ke amabhela eZulwini azakhala, Jesu, ukuKhanya ko . . .

Samukele, Nkosi, lapho sikukhonza Wena.

Sizahamba ekuKhanyeni, ukuKhanya okuhle, Kuza lapho amathonisi esihawu akhanya khona;

Ekhazimula phansi kwethu imini lobusuku, UJesu ukuKhanya komhlaba.

⁴⁹⁹ Alikuthandi nje lokho kuhlanzwa na? Lizwa kahle na? Phakamisa isandla sakho, tshono. Kulenyi into mayelana ngalezo zingoma zesidala, ihubo lesikhathi sakudala, Kungcono ngibelazo kulalezo zingoma zonke zomhlaba ezintsha ezibekiweyo, lasemabandleni esiKhristu. Ngiyathanda leso isikhathi sakudala, ngiyathanda.

Jesu, ngicincine duze lesiphambano, (Minabo!)

Lapho umthombo oligugu,

Ukhululeke kubo bonke, umfudlana osilisayo,

Uyageleza uvela emthonjeni waseKhalvari.

Esiphambanweni, esiphambanweni,

O, kube yinkazimulo yami kokuphela;

Kuze kuthi umphefumulo wami ohlwitihweyo uthole

Ukuphumula nganeno komfula.

⁵⁰⁰ Ngingaphuma emhlabeni kalula kahle lapho lokho kuhlatshelwa, alingeke na? Kumangalisa okunganani! Ngabe sekuyiqedile indaba yonke na? Liyazi, ngiyathokoza sengiqedile indaba, awuthokozi na? Isikweledi esidala siqediwe, kudala. Ngamtshela, “Nkosi, kangifuni uhlupho phansi emfuleni. Ngi—

ngifuna ukuba leqiniso manje.” Ngifuna ukubaMazi. Ngifuna ukubaMazi.

⁵⁰¹ Kulelikhulu, igodi elimnyama elibekwe phambi komunye lamunye wethu sonke. Siqonde leyo ndlela. Sonke isikhathi inhliziy o yethu itshaya, siyasondela lokusondela. Kodwa lapho ngifikasi lapho, kangifuni ukukhala njengetgwala, ngifuna ukuzithandela ngezambatho zokulunga Kwakhe, ngingene kukho, ngisazi lokhu, ukuthi, “NgiyaMazi ngamandla okuvuka Kwakhe.” Ukuthi, lapho Ebiza, ngizakuphuma phakathi kwabafileyo.

Olwami . . .

⁵⁰² *Ukholo Lwami Lukhangela Phezulu Kuwe*, kasiyihlabeleni manje.

Ukholo lwami lukhangela phezulu Kuwe,
Wena Wundlu leKhalvari,
O Msindisi oNgcwele;
Ngizwa manje ngikhuleka,
Susa izono zami zonke,
Ungavumi ngiseduka
Ngisuka kuwe.

⁵⁰³ Manje, Mfundisi omkhulu, njengoba Usifundise eLizwini Lakho elimangalisayo, inhliziy o zethu ziyaqhuqha nje, ngomusa wokuhlwithwa, ukwazi ukuthi sedlule ekufeni sangena ekuPhileni. Konke kungasebuhleni beNkosi yethu uJesu, Owasibizayo, futhi wasigenza eGazini Lakhe, futhi wasiletha phambi kwesiHlalo sobukhos i sikaNkulunkulu, singelacala, singasoleki, ngoba Wathatha izono zethu. Asila sono. “UNkulunkulu wabeka ububi bethu thina sonke phezu Kwakhe, futhi Walinyazelwa iziphambeko zethu.” O, siMthanda kanganani, iWundlu elikhulu likaNkulunkulu!

⁵⁰⁴ Futhi siyakhuleka, Baba, ukuthi Uzasinika ukuphumisela, ukubonakalisa, ukuthi singatshela abanye, ukuze babeMazi, labo, futhi baMthande, ngoba Uyabathanda. Siphe lumusa.

Futhi ngiyakuBonga, Baba, ngalezo ngane ezisanda kuzalwa ezingene nje eMbusweni kaNkulunkulu. Mabafumanise ibandla lekhaya elihle kwenye indawo, futhi lapho bakuKhonze ukufa kuze kubakhulule kulumzimba omdala wezinhlungu lokufuthelwa, futhi ubalethe phambi Kwakhe, bengela cala, bengasoleki, esikhathini esizayo, leMpilo elaPhakade. Ngoba siyakucela eBizweni Lakhe. Ameni.



AMAHEBHERU, ISAHLUKO SESITHUPHA ² NDE57-0908E
(Hebrews, Chapter Six ²)

UKULANDELANA KWENTSHUMAYELO YEBHUKU LAMAHEBHERU

LuMbiko ngo Mfowethu William Marrion Branham, watshunyayelwa okokuqala ngeSilungu ngeSonto ntambama, Mpandula 8, 1957, eBranham Thabhanekeli eJeffersonville, Indiana, U.S.A., wathathwa kusuka kuthephu warekhodwa lokudindwa ngeSilungu kungela kuphungulwa. Ukuchasisa lokhu ngesiNdebele seNyakatho kwadindwa lokwabelwa ngabe Voice of God Recordings.

NDEBELE

©2023 VGR, ALL RIGHTS RESERVED

VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Isaziso ngelungelo lokwenza

Amalungelo wonke agodliwe. Leli ibhuku lingadindwa ngomtshina wokudinda owangekhaya ngokuzisebenzisela, kumbe ukwabela, kungela mbadal, njengesikhali sokusabalalisa iVangeli lika Jesu Khristu. Leli ibhuku alingeke lathengiswa, kumbe landiswe ngesimo esikhulu, lisakazwe kuwebhusayithi, ligcinwe endaweni lapho elingaphinda litholakale, lichasiswe ngezinye izilimi, kumbe lisetshenziswe ekucele ni izimali kungela mvumo elotshiweyo ngabe Voice Of God Recordings®.

Ukuze uthole ulwazi olunengi kumbe ezinye izinto ezikhona ezelusizo, siyacela thinthaba:

**VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE**

**VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org**